

M Chinese  
Vol. III

3

3





醫學正傳卷之三目錄

痢門 十七

論

脉法

丹溪方法

凡四十條

芍藥湯

黃芩芍藥湯

黃連湯

芍藥黃連湯

大黃湯

香連丸

益元散

神效參香散

丹溪活套

祖傳和中飲

經驗三根飲

經驗二防飲

噤口痢法

已試醫驗一條

嘔吐門 十八

論

脉法

丹溪方法

凡一十條

藿香安胃散

和中桔梗湯

木香散

荊黃湯

檳榔散

清鎮丸

白朮湯

金花丸

紫沉丸

小半夏湯

生姜汁半夏湯

藿香平胃散

胃苓湯

黃連六一湯

丁附治中湯

加味二陳湯

丁香安胃湯

茯苓半夏湯

丹溪活套

已試醫驗一條

噎膈門十九

論

脉法

丹溪方法凡十條

瓜蒌實丸

寬中進食丸

人參利膈丸

丹溪活套

祖傳潤腸膏

大力奪命丸

又經驗方

已試醫驗二條

飢逆門二十

論

脉法

丹溪方法凡六條

陳皮竹茹湯

橘皮半夏生姜湯

六君子湯

丹溪活法

經驗灸飢逆法

吞酸門二十一

論

脉法

丹溪方法凡七條

藿香安胃散

加減二陳湯

三因麴朮丸

祖傳治吞酸方



嘈雜噉門 二十二

論

脉法

丹溪方法凡八條

三聖丸

朮蓮丸

軟石膏丸

麴朮丸

痞滿門 二十三

論

脉法

丹溪方法凡二條

厚朴溫中湯

木香順氣湯

痞挾瘀血方法

七氣湯

大消痞丸

失笑丸

消痞湯

黃連消痞丸

黃芩利膈丸

丹溪活套

已試醫驗一條

腫脹門 二十四

論

脉法

丹溪方法凡八條

禹餘糧丸

絜矩三和湯

紫蘇子湯

木香順氣湯

中滿分消丸

廣朮潰堅湯

半夏厚朴湯

破滯氣湯

草豈菴湯

葶藶木香散

白朮木香散

葶藶膏

二氣散

牽牛丸

三花神祐丸

鷄屎醴飲

丹溪活套

祖傳鷄屎醴

又經驗方

經驗桃奴丸

自己試醫驗二條

積聚門二十五

論

脉法

丹溪方法凡六條

三聖膏

琥珀膏

阿魏丸

大溫中丸

小溫中丸

婦人腹中有塊說

一方治婦人血塊

又治婦人血塊如盤

凡痞塊在皮裏膜外方

倒倉法

已上皆丹溪法

廣朮潰堅湯

半夏厚朴湯

三因散聚湯

大七氣湯

千金硝石丸

局方妙香丸

導氣枳殼丸

木香三棱丸

草豆蔻丸

肥氣丸

伏梁丸

痞氣丸

息奔丸

奔豚丸

虛損門二十六



論

脉法

丹溪方法一條

老人調養方

四君子湯

四物湯

八物湯

六君子湯

十全大補湯

大補陰丸

補陰丸

加味虎潛丸

滋陰大補丸

補腎丸

補天丸

六味地黃丸

人參固本丸

人參膏

補中益氣湯

益胃升陽湯

濟生芪附湯

參附湯

濟生茯神湯

補氣湯

千金延壽丹

班龍丸

桂枝加龍骨牡蠣湯

祖傳心虛手振方

已試醫驗二條

勞極門 二十七

論

脉法

丹溪方法 凡四條

蓮心散

青蒿飲子

白鐵塵方法

鬼哭飲子

天靈蓋散

射香散

取虫神仙方

神授散

禁方無比丸

又取勞虫方

紫河車丹

虛勞柴胡散

治虛勞欬帶散

貫衆丸

治勞嗽輕骨散

治勞嗽哈哂散

治勞熱蛤蚧飲子

古今治驗五蒸湯

丹溪活套

冬勞療崔氏四花穴法



醫學正傳卷之三

花溪恆德老人虞搏天民編集

痢十七

論

內經曰澁而便膿血知氣行而血止也

愚按經文澁字下必缺一澁字澁即尿也澁澁而便膿血者言病因也蓋血因氣滯而大小二便俱不利耳氣行而血止者言治法也故河間闡明其說所謂和氣則後重自除而用木香檳榔枳殼等藥以和之即此意也

河間曰行血則便膿自愈和氣則後重自除又曰後重則宜下腹痛則宜和身重則除濕脈弦則去風膿血稠粘以重藥竭之身冷自汗以熱藥溫之風邪外束宜汗之驚澇為痢宜溫之又曰在表者發之在裏者下之在上者湧之在下者竭之身表熱者內疎之小便澁者分利之又曰盛者和之去者送之過者止之兵法云避其來銳擊其惰歸此之謂也夫古方以瀉痢滾同論治朱紫混淆殊不知瀉屬脾而痢屬腎也丹溪曰先水瀉而後膿血者此脾傳腎賊邪難愈先膿血而後水瀉者此腎傳脾微邪易愈是皆先哲之格言以為後學之繩墨醫者其可不詳究乎



脈法

脈經云腸澼下膿血脈沈小流連者生洪大數身熱者死又曰腸澼筋攣脈小細安靜者生浮大而緊者死

方法

丹溪方法凡四十二條

丹溪曰痢赤屬血自小腸來白屬氣自大腸來

原病式曰痢為溼熱甚於腸胃怫鬱而成其病皆熱證也俗以痢白為寒誤也如熱生瘡癰而出白膿可以白為寒乎陰陽水火一高則一下一盛則一衰若以白為寒赤為熱則兼赤白者乃寒熱俱甚於腸胃之間而為病乎況下迫窘痛小便赤澀而痢白者必多有之為熱明矣世有用辛熱藥而愈者蓋辛甘發散熱主出行故病微者則鬱結開通氣和而愈若病甚者鬱結不開其病轉加而死矣故治痢者必用寒以勝熱苦以燥溼微加辛熱佐之以為發散開通之用如此固無不效者

仲景治痢可下者悉用承氣等湯加減下之大黃之寒其性善走佐以厚朴之溫善行滯氣緩以甘草之甘飲以湯液灌滌腸胃滋潤輕快積行即止局方用砥丹已咽類聚成丸其氣兇暴其體重滯積氣已行而毒氣未消猶暴賊手持兵刃使之徘徊瞻顧於堂奧之間縱有愈病之功而腸胃清純之氣甯無損傷之患乎可溫者乃用薑



附溫之局方例用熱藥為主溫藥為佐用之於下利清白者猶可其裏急後重經所謂下迫者皆屬火熱所為加以溫熱之劑非殺而何

初得一二日間元氣未虛必推蕩之此通因通用之法用大承氣湯或調胃承氣湯下

後看氣血調理氣用參朮血用四物五日後不可下此亦大藥言之氣血虛者雖一二日亦不可下實者十餘日後

腹痛以白芍藥甘草為君當歸白朮為佐惡寒者加桂惡熱者加黃柏

腹痛因肺金之氣鬱在大腸之間以苦梗發之後用痢藥云實則可下虛則以苦梗發之初下痢腹痛者用溫藥薑桂之屬切不可驟用參朮縱氣虛胃虛皆不可用

後重者積與氣墜下之故兼升兼消尤當和氣木香檳榔丸保和丸之類

身熱挾外感者不惡寒用小柴胡去人參發熱惡寒身首俱痛此為表證宜微汗和解加蒼朮川芎陳皮芍藥甘草生薑煎服愚每以上二方并治痢之挾外感者亦多獲奇效也

發熱不止者屬陰虛用寒涼藥必兼溫藥升藥

大孔痛肛門因熱流於下也木香檳榔芩連加炒乾薑

仲景法治大孔痛一日溫之一日清之若久病身冷自汗脈沈小宜溫之暴病身熱脈

洪大宜清之

下血者宜涼血活血當歸黃芩桃仁之類或用朴硝有風邪下陷宜升提之蓋風傷肝肝主血故也有溼傷血宜行溼清熱

溼熱下痢小便澀少煩渴能食脈洪大而緩腹痛後重桂苓甘露飲送下保和丸二十粒

濕多熱少脾胃不和食少腹痛後重夜多利下胃苓湯送下保和丸二十粒

氣虛面色痿黃或枯白色人疲倦痢頻併痛後重不食脈細弱或微汗時出黃芪建中湯送下保和丸二十粒

溼熱為痢不渴者建中湯加蒼朮茯苓下保和丸

脾胃不和食少腹脹痛後重脈弦緊宜平胃散加芍藥官桂葛根白朮茯苓下保和丸  
下痢血氣大虛腹痛頻併後重不食或產後得此證用四君子湯加當歸陳皮下保和丸二十粒

下痢白積者用芍藥湯加白朮陳皮甘草滑石桃仁

下痢赤積身熱益元散加木通炒芍藥炒陳皮白朮煎湯送下保和丸加黃芩凡  
久下痢已數日不能起床不食疲弱之甚者用

人參五分

白朮一錢

黃芪五分

當歸七分

芍藥一錢

甘草



炙三分

御米殼醋炒三分

地榆五分

木香三分

縮砂五分

陳皮

一錢

升麻三分

白芷寬仁三分

澤瀉五分

右細切作一服水一盞半煎至一盞去粗溫服

如下墜異常積中有紫黑血而又痛甚者此為死血證用桃仁細研及滑石行之

血痢久不愈者屬陰虛四物為主

下痢如豆汁者溼也蓋脾胃為水穀之海無物不受常兼四臟故有如五色之相染當

先通利此迎而奪之之義如虛宜審之

古方用厚朴專為行凝滯之氣滯氣稍行則去之枳殼雖少緩亦不宜久服只以陳皮

和藥可也

古方多用粟殼治嗽與痢但要先出病根乃收功後藥也

如力倦氣少惡食此為挾虛證宜用白朮當歸身尾甚者加人參陳皮補之虛回而痢

自止

如久痢體虛氣弱滑泄不止亦當以瀉藥止之訶子肉豆蔻白礬半夏牡蠣之類擇而

用之然須以陳皮為佐恐太瀉亦能作疼又甚者須灸天樞氣海取穴法見前霍亂門

如痢已減十之七八穢積已盡糟粕未實用炒芍藥炒白朮炙甘草陳皮茯苓煎湯下

固腸丸二三十粒此丸性多燥澁有去濕實腸之功若滯氣未盡除者不可遽用如痢後糟粕未實或食粥稍多或飢甚方食腹中作疼以白米陳皮二味煎湯和之自安如氣行血和積少但虛坐努責此為無血證倍用歸身尾芍藥生地黃而以桃仁泥佐之陳皮和之血生自安

如痢後脚弱漸細小用蒼朮二兩白芍藥龜板各二兩半黃柏五兩粥糊丸以四物湯加陳皮甘草煎湯送下

噤口痢胃口熱甚故也用黃連人參煎湯終日呷之如吐則再強飲但得一呷下咽便好又用田螺搗盒臍中以引下其熱胃中熱結當開以降之人不知此多用溫藥甘味以火濟火以滯益滯也亦有誤服熱毒之藥犯胃者當推明而祛其毒用糞蛆焙乾為末清米飲調下一錢匕甚效

多有時疫作痢傳染相似宜推明運氣之勝復以治之

小兒痢疾用黃連黃芩大黃甘草煎服赤痢加桃仁紅花白痢加滑石末同煎

一小兒八歲下痢純血作食積治蒼朮白朮黃芩白芍藥滑石茯苓甘草陳皮神麴煎湯下保和丸

凡下痢純血者如塵腐色者如屋漏水者大孔開如竹筒者唇如硃紅者俱死如魚



腦髓者身熱脈大者俱半死半生經所謂身涼脈細者生身熱脈大者死是亦大槩言之耳不可一途而論也

一方治熱痢血痢用大黃黃連黃芩黃柏枳殼白芍藥川歸滑石甘草桃仁白朮等分神麴糊丸如梧桐子大每服五六十丸白湯下

青六丸治血痢神効

溫六丸治痢及水瀉皆効

已上二方並見泄瀉門

固腸丸治溼熱下痢大便秘下血去腸胃陳積之後用此以燥下溼而實大腸

樗根白皮不拘多少細切畧炒

右一味研為細末米糊為丸如梧桐子大每服三五十九陳米飲送下或用炒芍藥炒白朮炙甘草陳皮茯苓煎湯下

芍藥湯行血則便膿自愈和氣則後重自除此藥是也

白芍藥二錢

當歸尾

黃連

黃芩各一錢

大黃七分

甘草

檳榔

木香

桂心各五分

右細切作一服水一盞半煎一盞空心服

如初病後重窘迫甚者倍大黃加芒硝一錢如痞滿氣不宣通加枳實一錢如

臍毒下血加黃柏一錢

黃芩芍藥湯治瀉痢腹痛或後重身熱久而不愈脈洪數者及膿血稠粘者

黃芩

芍藥各二錢

甘草一錢

右細切作一服水一盞半煎至一盞溫服腹痛甚加桂二分稍熱服之

黃連湯治大便後下血腹中不痛謂之溼毒下血

黃連

當歸各二錢

右細切作一服水一盞半煎至一盞去粗溫服

芍藥黃連湯治大便後下血腹中痛者謂之熱毒下血

芍藥

川歸

黃連各一錢五分

大黃三分

桂心一錢五分

甘草三分

右細切作一服水一大盞煎七分溫服

大黃湯治痢久不愈膿血稠粘裏急後重日夜無度脈沈實人不甚困倦者或初得腹痛

甚者窘迫不安者

大黃

一兩

右細切作一服用好酒二大盞浸半日煎至一盞半去粗分作二服頓飲之如痢未

止再進後服後以芍藥湯和之又再服黃芩芍藥湯以徹其邪此乃蕩滌邪熱之劑



用酒煎者蓋欲其上至頂巔外徹皮毛也

香連丸治下痢膿血赤白相雜裏急後重

黃連

二十兩與吳茱萸十兩二味各以好酒拌漚同炒去茱萸

木香

四兩八錢不見火

右為細末醋調麵糊為丸如梧桐子大每服三五十九清米飲送下一方加石蓮

肉半斤治噤口痢尤佳

益元散謂此為治痢之聖藥也其功不能盡述

桂府膩白滑石

六兩

粉甘草

一兩炙

右二味共為極細末每服三錢白水調無時

神効參香散治痢疾日久穢積已少腹中不痛或微痛不後重窘迫但滑溜不止乃收功

之後藥也

粟殼

去穢蒂醋炙一兩二錢

陳皮

一兩三錢

肉豆蔻

剉裹煨四錢

茯苓

去皮

白扁豆

炒各四錢

木香

人參

各二錢

右為細末每服一錢匕清米飲調下食遠

丹溪活套云痢疾乃外感無內傷之候也須分表裡治之在表者必惡寒發熱身首俱痛宜以小柴胡湯去人參棗子加蒼朮川芎陳皮生芍藥微汗以散之在裡者必後重窘迫腹痛下積早宜以大小承氣河間酒煎大黃湯之類下之餘邪未盡更以芍藥湯香

連丸之類以徹其邪穢積已盡而更衣未息者此大腸不行收令故也宜以固腸丸參香散之類以止瀉之噤口者須詳證按法調治切不可輕用粟穀肉豆蔻訶子之類以試之殺人於反掌之間也但凡痢證不問輕重若邪氣正盛而以粟穀之類止遏之雖不死亦成休息痢二三年不能愈也又不可輕用巴豆牽牛等熱毒之劑攻之蓋病因熱毒又得熱毒之劑以火濟火不死何待

祖傳經驗秘方和中飲治痢疾不分赤白久近服之無有不效者但發熱噤口不食者不可服

陳皮

白朮

茯苓

白芍藥

各一錢

草果仁

七分

甘草

三分

陳倉米

二錢

砂糖

三錢

粟殼

醋炙一錢五分

烏梅

一箇

右細切作一服加生薑三片大棗一枚水二盞煎至一盞去粗溫服

經驗三根飲治休息痢年久不愈者其効如神

五倍木根

蒼耳草根

臭椿木根

刮取白皮

右各等分細切每服七錢重加生薑三片大棗一枚大黑豆三十六粒糯米四十九粒水二盞煎至一盞去粗溫服

經驗二防飲治痢後不謹感冒寒溼或涉水履霜以致兩足痛痺如刀刺虎咬之狀膝臍



腫大不能行動名鶴膝風此藥神効

人參 白朮

黃芪各一錢

甘草分五

川歸

川芎

芍藥

熟地黃各一錢

防風

防己

羌活

牛膝各七

杜仲薑汁拌炒

草薢各一錢

附子

童子尿浸三日去皮  
臍七分冬月一錢

右細切作一服加生薑三片大棗二枚水二盞煎至一盞去粗空心溫服

仁齋云下痢噤口不食者雖曰脾虛蓋亦熱氣閉隔心胸間所致也俗用木香則失之溫

用山藥則失之閉惟真料參苓白朮散加石菖蒲末以道地粳米飲多年陳倉溫調下

或人參茯苓石蓮子肉入些少菖蒲為末與之胸次一開自然思食其參苓白朮散本方該有縮砂或少

入木香見  
內傷門

一子年將五十夏秋間得痢疾月餘服藥而少愈穢積已但盡糟粕不食晝夜五六次入

廁無脫肛不安又半月諸藥不効予記祖傳一方用池塘中鯪一箇如法脩事多用生

薑米糯作羹入沙糖一小塊不用鹽醬熟煮吃一二碗三日不登廁大腸自此實矣肛

門亦收而不脫夫此證蓋因脾土受虛致肺與大腸俱失化源之所滋養是故大腸不

行收令也此母能令子虛耳鯪乃介虫屬金而有土性溫能補脾肺又況肺惡寒先得

苓連等寒涼之味已多今用生薑之辛以補肺金用沙糖之甘以補脾土肺氣既實其

大腸亦隨而實故得以行收令也故其功效如是之驗焉

嘔吐十八

論

內經曰諸嘔吐酸暴注下迫皆屬於火東垣曰夫嘔吐噦三者俱屬於胃胃者總司也以其氣血多少為異耳嘔者陽明也陽明多血多氣故有聲有物氣血俱病也吐者太陽也太陽多血少氣故有物無聲血病也噦者少陽也少陽多氣少血故有聲無物氣病也河間曰胃膈熱甚則為嘔火氣炎上之象也吐證有三氣積寒也皆從三焦論之上焦在胃口上通於天氣主納而不出中焦在中脘上通天氣下通地氣主腐熟水穀下焦在臍下下通地氣主出而不納是故上焦吐者皆從於氣氣者天之陽也其脈浮而洪其證食已即吐渴欲飲水大便秘結氣上衝胸而發痛其治當降氣和中中焦吐者皆從於積有陰有陽食與氣相假為積而痛其脈浮而長其證或先痛而後吐或先吐而後痛治法當以毒藥去其積檳榔木香行其氣下焦吐者皆從於寒地道也其脈沈而遲其証朝食暮吐暮食朝吐小便清利大便秘而不通治法當以毒藥通其秘塞溫其寒氣大便秘通復以中焦藥和之不令大便秘結而自愈也外有傷寒陽明實熱太甚而吐逆者有內傷飲食填塞太陰以致胃氣不得宣通而吐者有胃熱而吐者有胃寒而吐者有久病氣虛胃氣



衰甚聞穀氣則嘔噦者有脾溼太甚不能運化精微致清痰留飲鬱滯上中二焦時時惡心吐清水者宜各以類推而治之不可執一見也

### 脈法

脈經曰嘔而脈弱小便復利身有微熱厥者難治

跌陽脈浮者胃氣虛寒氣在上噯氣在下二氣相爭但出而不入其人即嘔而不得食

恐怖即死寬緩即瘥

脈陽緊陰數其人食已則吐陽浮而數亦為吐

寸口脈緊而芤緊則為寒芤則為虛虛寒相搏脈為陰結而遲其人則噎關上脈數其人則吐 脈弦者虛也胃氣無餘朝食暮吐暮食朝吐變為反胃寒在於上醫反下

之令脈反弦故名曰虛

寸口脈微而數微則無氣無氣則榮虛榮虛則血不足血不足則胸中冷故吐

### 方法

丹溪方法凡一十條

丹溪曰胃中有熱膈上有痰二陳湯加炒梔子薑炒黃連生薑煎服

凡嘔吐者切不可下逆之故也

有久病吐者胃氣虛不納穀也生薑人參黃芪白朮香附治之凡痞滿短氣而嘔宜補

中氣止可用調中益氣湯

肝火出胃逆上嘔吐抑青丸方見火門

夏月嘔吐不止五苓散加薑汁入湯調服

吐虫而嘔用黑錫炒成灰楨榔末米飲調服

惡心吐清水者有熱有痰有虛皆用生薑隨證佐藥治之

胃中有熱者二陳湯加薑汁制炒黃連黃芩按虛者加人參白朮又云胃虛弱嘔者二

陳湯加砂仁藿香白朮

痰飲為患或因多食生冷脾胃不和以致嘔吐惡心或頭眩或胃脘懊懣不快或發寒

熱二陳湯加丁香烏梅生薑煎服心下痞而痛者加草豆蔻仁

痰熱惡心嘔吐氣盛者導痰湯加縮砂薑炒黃連竹茹

藿香安胃散治胃氣虛弱不能飲食時時嘔吐惡心者

藿香

人參

陳皮各一錢

丁香五分

右細切作一服水一盞煎至七分溫服

和中桔梗湯治上焦熱氣上衝食已暴吐脈浮而洪宜先和中

桔梗一錢五分

半夏曲二錢

陳皮去白一錢

枳實熟炒黃一錢

白茯苓一錢



白朮一錢五分

厚朴薑汁拌炒一錢

右細切作一服水一盞半煎至一盞去渣取清汁調木香散二錢空腹服三服後氣漸下吐漸止然後去木香散加芍藥二錢黃芪一錢半煎服病愈則已如大便燥結食不盡下以大承氣湯去芒硝微下之再服前藥補之如大便復結又依前微下之

木香散

木香

檳榔

各等分為細末前藥調之服

荊黃湯治暴吐上焦熱氣所衝脈浮而洪者

荊芥穗五錢

人參二錢五分

甘草一錢

大黃一錢五分

右細切作一服水二盞煎至一盞去粗調檳榔散二錢空腹服

檳榔散

檳榔三錢

木香一錢五分

輕粉少許

右為細末用前藥調服為丸亦可用水浸蒸餅丸如小豆大每服二十丸食後服

清鎮丸治上焦吐頭痛發熱有汗脈弦

柴胡二兩去蘆

黃芩七錢五分

甘草五錢

半夏五錢

青黛二錢五分

人參五錢

右為細末薑汁浸蒸餅為丸如梧桐子太母服五十丸生薑湯送下食後服  
白朮湯治胃中虛損及有痰而吐者

半夏麴五錢

白朮二錢

栝榔二錢五分

木香一錢

甘草一錢

茯苓二錢

右為細末每服二錢生薑湯調下食前服

金花丸治吐食脈弦者肝乘於脾而吐乃由脾胃之虛宜治風安脾

半夏湯泡七次一兩

栝榔二錢

雄黃一分

右為細末薑汁和蒸餅為丸如梧桐子大小兒丸如黍米大生薑湯送下從少至多  
漸加服之以吐止為度無羈絆於脾故飲食自下

紫沈丸治中焦吐食由食積與寒氣相假故吐而痛宜服此藥

半夏麴二錢

烏梅肉二錢

代赭石三錢

杏仁去皮尖另研一錢

砂仁三錢

丁香二錢

沈香一錢

栝榔二錢

木香一錢

陳皮五錢

白豆仁五分

白朮一錢

巴豆霜另研五分

右為細末入巴豆霜和勻醋麴糊為丸如黍米大每服五十丸食後生薑湯下吐愈  
則止小兒另丸如芝麻大治小兒食積吐食亦大妙

小半夏湯治陽明傷寒不納穀而嘔吐不已者



半夏湯泡七次一兩

生薑二錢

右細切水三盞煎至一盞去粗分作二服服之

生薑汁半夏湯治胸中似喘不喘似嘔不嘔似噦不噦徹心憤憤然無奈者

半夏湯泡洗七次一兩

右細切水一盞半生薑自然汁半盞同煎至一盞溫服仲景曰嘔多雖有陽明證慎不可下孫思邈曰嘔家多服生薑乃嘔家之聖藥也氣逆者以辛散之故以生薑為

主治之

藿香平胃散治內傷飲食填塞太陰嘔吐不已

藿香一錢

厚朴薑製一錢

蒼朮一錢五分

陳皮一錢

甘草炙三分

砂仁五分研

神麴五分炒

右細切作一服加生薑五片大棗一枚水一盞半煎至一盞去粗溫服

胃苓湯治証同前

平胃散加五苓散加薑棗水煎服之

黃連六一湯治因多食煎煇燒餅熱麪之類以致胃脘當心而痛或嘔吐不已漸成反胃

黃連六錢

甘草炙一錢

右細切作一服水一大盞煎至七分去粗溫服

丁附治中湯治胃傷寒冷之物致心腹疼痛而嘔噦不止

人參 五分

白朮 一錢

乾薑 一錢

甘草 分三

陳皮

青皮

丁香 錢各一

附子 二錢

右細切作一服加生薑五片大棗二枚水一盞半煎至一盞去粗溫服

加味二陳湯治胃中有伏火膈上有稠痰時常胃口作痛及惡心吐清水不快

陳皮 一錢 去白

半夏 一錢 五

茯苓 一錢

甘草 分三

梔子 炒一錢

黃連 一錢 薑汁拌炒

川芎 一錢

白朮 一錢

乾薑 分五

蒼朮 一錢

香附 一錢

牡荊子 一錢 炒另研

挾虛者加人參 一錢

右細切作一服水二盞加生薑三片煎至一盞稍熱服如胃口痛甚入生薑自然汁

一合和勻服

丁香安胃湯治嘔吐噦胃虛寒所致

丁香 五分

吳茱萸 一錢

草豆蔻 一錢

黃芪 二錢

人參 一錢

柴胡 五分

甘草 分五

升麻

當歸身

陳皮 分各五

黃柏 二分

蒼朮 一錢



右細切作一服水一大盞煎至七分食前溫服

茯苓半夏湯治脾胃虛弱身重有痰惡心欲吐風邪羈絆於脾胃之間當先實其脾土

白朮 一錢

茯苓 一錢

半夏 一錢

神曲 炒一錢

橘紅 七分

天麻 七分

麥藥 炒黃色一錢二分

右細切作一服水一盞半加生薑五片煎至一盞熱服

丹溪活套云胃中有熱膈中有痰令人時常嘔吐清水作噯氣吞酸等證用二陳湯加薑

炒黃連梔子蒼朮川芎香附砂仁神麴山查少加木香以行滯氣加薑水煎服 久病

虛者加人參白朮 胃寒者加益智草豆蔻乾薑桂心之類去黃連梔子又甚者加丁

香附子 如脇痛或脾痛右關脈弦嘔吐不已此木乘土之分也本方加人參白朮升麻

柴胡青皮芍藥川芎砂仁神麴之類 如時常吐清水或口甘不喜食冷涎自下而湧

上者此脾熱所致也本方加白朮芍藥升麻土炒黃連梔子神麴麥芽乾生薑或丸或

煎皆可 如時常惡心吐清水心胃作痛得食則漸止飢則甚者此胃中有虵也本方

加苦棟根使君子煎服即愈或用黑錫灰煨榔末等分米飲調下

在城黃氏婦年將三十產後因食傷致胃虛不納穀四十餘日矣聞穀氣則惡心而嘔聞

藥氣亦嘔求予治予曰藥不能入口又將何法以治之乎懇求不已遂制一方用人參

白朮茯苓各五錢甘草二分陳皮藿香砂仁各五分炒神麴一錢十年以上陳倉米一合順流水二大白蓋煎沸泡伏龍肝研細攪渾放澄清取一盞加薑棗同煎前藥至七分稍冷服此藥遂納而不吐別以陳倉米煎湯時時與之日進前藥二三服漸能吃粥而安後以此法治十數人皆驗

噎膈十九

論

內經曰三陽結謂之膈子和云三陽者大小腸膀胱也結謂熱結也小腸熱結則血脈燥大腸熱結則不能圓膀胱熱結則津液涸三陽既結則前後閉塞下既不通必反而上行所以噎食不下縱下而復出也此陽火不下降而上行也故經又曰少陽所至為嘔湧溢食不下此理明矣又先哲論膈噎反胃大率以血液乾槁其或咽喉室塞食不能下其槁在吸門或食下則胃脘當心而痛須臾吐出食出痛止其槁在賁門此皆上焦之膈噎也其或食物可下良久復出其槁在幽門此中焦之膈噎也其或朝食暮吐暮食朝吐其槁在闌門大小腸之間此下焦之膈噎也雖然亦有斯須輕病而為醫所誤者丹溪論之詳矣謂夫氣之初病其端甚微或因些少飲食不謹或外冒風雨內傷七情或食味過厚偏助陽氣積成膈熱或資稟充實表密無汗或性急易怒相火上炎以致津液不行清濁相



干惟氣之為病或痞或痛或不思食或噫腐吞酸或嘈雜痞悶醫者不求其本便認為寒遽以辛香燥熱之劑投之時暫得快以為神方厚味仍前不節七情反覆相侵舊病被劫暫開濁液易於攢聚或半月或一月前證復作如此蔓延自氣成積自積成痰此為痰為飲為吞酸之由也良工未遇謬藥又行痰挾瘀血遂成窠囊此為痞為痛為嘔吐膈噎反胃之次第也醫者尤謂虛而積寒非尋常草木可療竟以烏附助佐丹劑專意服餌積而久也血液俱耗胃脘乾槁其槁在上近咽之下水飲可行食物難入間或可入食亦不多名之曰噎其槁在下與胃為近食雖可下難盡入胃良久復出名之曰膈亦曰反胃大便秘小若羊屎然名雖不同病出一體又曰噎病生於血乾血陰也陰主靜內外兩靜則臟腑之火不起而金水二臟有養陰血自生腸胃津液傳化合宜何噎之有醫者當知此意不可妄以燥熱之劑以火濟火則何以異刺人而殺之也慎之慎之

### 脈法

脈經曰寸緊尺澁其人胸滿不能食而吐吐止者為下之故不能食誤言未止者此為反

胃故尺為微澁也

誤一作設

寸口脈緊而芤緊則為寒芤則為虛虛寒相搏脈為陰結而遲其人則噎關上脈數其人則吐脈弦者虛也胃氣無餘朝食暮吐暮食朝吐變為胃反寒在於上醫反下之令

脈反弦故名曰虛

跌陽脈浮而澀浮則虛澀則傷脾脾傷則不磨朝食暮吐暮食朝吐宿穀不化名曰胃

反脈緊而澀其病難治

脈濇而小血不足 脈大而弱氣不足

方法丹溪方法凡十一條

丹溪曰大率屬血虛氣虛有痰

戴氏曰氣虛者脈必緩而無力血虛者脈必數而無力痰者寸關脈必沈或伏而大有氣滯結者寸關沈而濇

張雞峰曰噎當是神思間病惟內觀以自養可安此言深中病情

屎如羊屎者不治大腸無血故也年高者不治年五十餘則不可治矣戴氏曰氣血俱虛者

治法用童便韭汁竹瀝薑汁牛羊乳一本有氣虛入四君子湯血虛入四物湯切不可

用香燥藥宜薄滋味

一法用黃連三錢薑汁炒山查肉二錢保和丸二錢同為末糊丸麻子大胭脂胚子為衣

人參湯入竹瀝下五十丸

一方用馬兜兒燒存性陳米湯調服即野田瓜北方多有原本書馬剝兒誤也

一云馬兜兒燒存性一錢好棗肉四枚平胃散二錢溫酒調服食即可下然後隨病源



調理

一方用吳茱萸黃連貝母瓜蒌子牛轉草丸服

一方用韭汁二兩牛乳一盞生薑半兩搗汁和勻頓服効

有氣結者用開導之劑有陰火上炎者作陰虛治有積血者當消息去之韭汁能下膈

上瘀血

古方用人參以補肺御米以解毒竹瀝以清痰乾薑以養血粟米以實胃蜜以潤燥薑以去穢有治寒者必為當時有實因於寒者用之也挾寒者間或有之今人悉因痰氣久誤於醫傳變而成其無寒也明矣

瓜蒌實丸治膈噎胸膈痞痛徹背脇喘急妨悶

瓜蒌實

去壳別研

枳殼

去穢炒

半夏

湯泡七次

桔梗

炒各一兩

右為細末薑汁米糊為丸如梧桐子大每服五十丸生薑湯送下

寬中進食丸滋形氣喜飲食

方見內傷門

人參利膈丸治膈噎胸中不利大便結燥痰嗽喘滿脾胃壅滯推陳致新治膈氣之聖藥

也

木香

檳榔

各七錢五分

人參

當歸

藿香

甘草

枳實

各一兩

大黃

酒浸  
蒸熟

厚朴

剉裂  
一兩

右為細末滴水為丸如梧桐子大每服五十丸溫水下

丹溪活套云凡膈噎反胃悉用二陳湯加薑汁竹瀝童便韭汁之類為主治如胸中覺

有熱悶本方加土炒黃連黃芩瓜蒌仁桔梗之類如血虛瘦弱之人本方合四物湯

少加杏仁泥紅花童便韭汁之類仍不可缺如飲酒人本方加砂糖驢屎入內服

如朝食暮吐暮食朝吐或食下須臾即吐者此胃可容受而脾不能傳送也或大小腸

秘結不通食返而上奔也本方加酒蒸大黃桃仁之類以潤之脾不磨者本方多加麥

蘖麪神麪之類以助化之如氣虛肥白人膈噎者本方合四君子湯亦加竹瀝薑汁

為要藥也 有因七情鬱結成氣噎者本方加香附撫芎木香枳榔桔萐仁砂仁之類

凡膈噎大便秘結用大黃乃急則治其標之劑也仍用四物湯加童便韭汁多飲牛

羊乳為上策也但不可以人乳代之蓋人乳內有飲食烹飪之火及七情之火存於中

故不可代服也

祖傳經驗秘方潤腸膏治膈噎大便秘結飲食良久復出及朝食暮吐暮食朝吐者其功

甚捷

新取威靈仙

四兩  
五月開花者

生薑

四兩  
搗汁

真麻油

二兩

白砂蜜

四兩  
煎沸  
掠出上末



右四味同入銀石器內攪勻慢火煎候如餲時時以筋挑食之一料未愈再服一料  
決効

經驗大力奪命丸治膈噎不下食及翻胃等證

杵頭糠

牛轉草 各半斤

糯米 一斤

右為細末取黃母牛口中涎沫為丸如龍眼大入鍋中慢火煮熟食之加沙糖二三  
兩入內丸尤佳

一方治噎膈久不納穀者

隔年炊飯乾

不拘多少

右一味以急流順水煎煮糜爛取濃汁時時與之待能食後以調脾進食生血順氣  
之藥調治而安

蘇溪金賢九里年五十三夏秋間得噎證胃脘痛食不下或食下良久復出大便燥結人  
黑瘦殊甚求予治診其脈右手關前弦滑而洪關後畧沈小左三部俱沈弦尺帶孔子  
曰此中氣不足本來侮土上焦濕熱鬱結成痰下焦血少故大便秘結陰火上衝吸門故  
食不下用四物以生血用四君子以補氣用二陳以祛痰三合成劑加薑炒黃連炒枳  
實括婁仁少加砂仁又間服潤腸丸或服丹溪墜痰丸半年服前藥百餘貼病全安

梅林駱氏婦予妻孀也年四十九身材畧瘦小勤於女工得膈噎證半年矣飲食絕不進而大便結燥不行者十數日小腹隱隱然疼痛求予治診之六脈皆沈伏予以生桃仁七箇令細嚼杵生韭汁一盞送下片時許病者云胸中略見寬舒以四物湯六錢加括萎仁一錢桃仁泥半錢酒蒸大黃一錢酒紅花一分煎成正藥一盞取新溫羊乳汁一盞合而服之半日後下宿糞若干明日腹中痛止漸可進稀粥而少安後以四物湯出入加減合羊乳汁服五六十貼而安

飢逆二十

飢書飢與飽通氣上逆作聲之名也古方皆以飢為飲逆諸書又多誤以飲數為飲逆孫真人又誤以噦為飲逆亦有書為吃逆者皆誤也 飢於立

論

內經曰諸逆衝上皆屬於火丹溪曰飢病氣逆也以其氣自臍下直衝上出於口之名也東垣謂火與元氣不兩立又謂火為元氣之賊古方悉以胃弱言之而不及火且以丁香柿蒂竹茹陳皮等劑治之未審孰為降火孰為補虛人之陰氣依胃為養胃土損傷則木來侮之矣謂之土敗木賊也陰為火所乘不得內守木挾相火之勢故其氣直衝清道而上言胃弱者陰弱也虛之甚也病者見此似為危證依正法而治之者尚不能保其一二而況誤醫者乎雖然亦有因實而為飢者不可不審或因飲食太過填塞胸中而氣不得



升降者或有痰閉於上火起於下而氣不得伸越者有為傷寒熱病陽明內實過期而失下清氣不得升濁氣不得降以致氣不宣通而發飢者凡若此者皆實證也醫者宜專心致意察審虛實而調治之不可妄為處治以天人之天年也幸甚

脈法

脈浮而緩者易治弦急而按之不鼓者難治

脈結或促或微皆可治

脈代者危

右關脈弦者木乘土位難治

方法

丹溪方法凡六條

丹溪曰大率有痰有氣虛有虛火上衝視有餘不足治之

痰與食在上者吐之人參蘆稀涎散之類

不足者補之人參白朮煎湯下大補丸

痰用陳皮半夏氣虛用人參白朮陰火用黃連黃柏滑石或吐或補隨證施治

飢逆自利滑石甘草黃柏芍藥人參白朮陳皮加竹瀝服

痢疾發飢用人參白朮煎湯調益元散頻服自止

陳皮竹茹湯治傷寒餘熱未解氣虛發飢

甘草炙一錢

人參二錢

陳皮去白三錢

青竹茹四錢

右細切作一服加生薑三片大棗一枚水煎服

橘皮半夏生薑湯治氣虛有痰發飢

陳皮 半夏 乾生薑 人參 通草 各一錢

右細切作一服水一盞半煎至一盞去渣溫服

六君子湯治痰挾氣虛發飢

陳皮 一錢 半夏 一錢 茯苓 一錢 甘草 一錢 人參 一錢

白朮 一錢 五分

右細切作一服加大棗二枚生薑三片新汲水煎服

丹溪活套云凡傷寒發飢有四證不可不辨有中氣不足脈虛微氣不相續而發飢者宜用補中益氣湯加生脈散黃柏以降虛火或少加附子服之立愈有陽明內實失下而發飢者宜大承氣湯下之而愈有渴而飲水太過成水結胸而又發飢者宜小陷胸湯或用小青龍湯去麻黃加附子治水寒相搏發飢大妙有傳經傷寒熱證醫者誤用薑桂等熱藥助起火邪痰火相搏而為咳逆者宜用黃連解毒白虎湯及竹瀝之類治之祖傳經驗灸咳逆法

乳根二穴直乳下一寸六分婦人在乳房下起肉處陷中灸七壯即止其効如神

又氣海一穴直臍下一寸半灸三七壯立止



東陽李氏子病傷寒陽明內實醫與補藥治而成發飢十日後召予診其脈長而實大與大承氣湯大下之熱退而飢亦止

盤松周氏子得傷寒証七日熱退而飢連聲不絕舉家徬徨召予診其脈六脈皆沈細無力人倦甚以補中益氣湯作大劑加炮附子一錢一日三貼兼與炙乳根氣海三處當日飢止脈亦充而平安

吞酸 二十一

論

內經曰諸嘔吐酸皆屬於熱惟李東垣獨以為寒誠一偏之見也河間原病式曰酸者肝木之味也由火盛制金不能平木則肝木自甚故為酸也如飲食熱則易於酸矣是以肝熱則口酸也或言為寒者但謂傷生冷硬物而喜噫醋吞酸故俗醫主於溫和脾胃豈知人之傷於寒也則為病熱蓋寒傷皮毛則腠理閉密陽氣怫鬱而為熱證故傷寒熱在表而以麻黃湯熱藥發散使腠理開通汗泄熱退而愈也凡內傷冷物者或但陰勝陽而為病寒或寒熱相搏怫鬱而為病熱亦有內傷冷物而反病熱得汗泄熱退身涼而病愈也或微而止為中酸俗謂之醋心法宜溫藥散之亦猶傷寒解表之義若久吞酸不已則不宜溫宜以寒藥治之後以涼藥調之結散熱去則氣和矣所以中酸不宜食粘滑油膩者謂能

令氣鬱不通暢如食物在器覆蓋熱而自酸宜食糲食菜蔬能令氣之通利也曰寒曰熱於斯明矣學者詳之

脈法

脈弦而滑 兩寸或浮而弦或浮而滑或沈而遲或緊而洪或洪而數或沈而遲胸中

有寒飲洪數者痰熱在膈間時吐酸水欲成胃反也

方法

丹溪方法凡七條

茱連丸

吳茱萸去梗泡浸半日

陳皮去白

黃芩陳壁土炒各五錢

黃連土炒一錢

蒼朮米泔浸七錢半

右為細末神麴糊丸如棗豆大每服二三十丸津唾嚥下一方茱萸連二味隨時令

寒熱迭為佐使寒月倍茱萸熱月依本方

蒼朮茯苓為補助湯浸蒸餅為小丸吞之

治酸必用茱萸順其性而析之

食鬱有痰二陳湯加南星黃芩之類

加味平胃散治吞酸因食鬱所致

生料平胃散加炒神麴炒麥芽薑棗同煎



酸味宜節厚味必蔬食自養則病易安

吐清水用蒼朮

陳璧土炒

茯苓

滑石

炒

白朮

陳皮

煎服

參芩丸上可治吞酸下可治自利又云治溼而氣滯者溼熱甚者用之為鄉導

六一散

一料

吳茱萸

一兩製

右為飯丸服

藿香安胃散治脾胃虛弱飲食入胃嘔吐作酸不待腐熟

藿香

丁香

人參

各二錢五分

陳皮

五錢

右為細末每服二錢加生薑水煎溫服

加減二陳湯治痰飲為患嘔吐頭眩心悸或因食生冷硬物脾胃不和時吐酸水

丁香

五分

半夏

陳皮

各二錢五分

茯苓

一錢五分

甘草

七分半

右細切作一服加生薑三片水煎服

三因鈔丸治中脘宿食留飲酸澀心痛吐清水

神麴

炒三兩

蒼朮

米泔浸一兩半

砂仁

一兩

陳皮

去白一兩

右為細末生薑汁別煮神麴糊為丸如梧桐子大每服七十九薑湯送下

祖傳經驗治吞酸方

用黃連吳茱萸各一兩右以黃連細切同茱萸以井花水浸七日去連將茱萸焙乾  
每日清晨以米湯下四十九粒

嘈雜噯氣 二十二

論

內經曰胃為水穀之海無物不受若夫濕麵魚腥水菓生冷以及烹飪調和粘滑難化等  
物恣食無節朝傷暮損而成清痰稠飲滯於中宮故謂嘈雜噯氣吞酸痞滿甚則為翻胃  
腸噎即此之由也夫嘈雜之為證也似饑不饑似痛不痛而有懊懷不自寧之狀者是也  
其證或兼噯氣或兼痞滿或兼惡心漸至胃脘作痛乃痰火之為患也治法以南星半夏  
橘紅之類以消其痰芩連梔子石膏知母之類以降其火蒼朮白朮為藥之類以健脾行  
濕壯其本元又當忌口節慾無有不妥者也

脉法

右寸關脈緊而滑 兩寸弦滑胸中有留飲

寸脈橫者膈上有橫積也

右關弦急甚者木乘土位欲作胃反難治

方法

丹溪方法  
凡八條



丹溪曰此為食鬱有熱炒梔子薑炒黃連乃必用之藥也

肥人宜二陳湯少加撫芎蒼朮白朮梔子

若濕痰氣滯不喜食用三補丸加蒼朮倍香附

大抵嘈雜是痰因火動令人心嘈似飢非飢有積有熱也治痰為先宜用山梔薑汁炒

黃連為君南星半夏陳皮為臣熱多加青黛若食鬱有熱梔子與薑炒黃連不可無

蔣氏子心嘈索食以白朮黃連陳皮為丸白湯下七八十丸數服而止

嘈雜眩暈是火動其痰二陳加梔子芩連之類

噯氣胃中有火有痰用南星半夏軟石膏香附作丸或煎服之蓋胃中有鬱火膈上有

稠痰也

噯氣吞酸此係食鬱有熱火氣衝上黃芩為君南星半夏陳皮為佐

三聖丸治嘈雜神効

白朮四兩 黃連五錢 橘紅一兩

右為細末神麴糊為丸如菴豆大每服五十丸津唾下或薑湯下

朮連丸治嘈雜

白朮四兩 黃連四錢 右為細末神麴糊丸如黍米大津唾送下

軟石膏丸治嘈雜噯氣

南星

泡製

半夏

泡洗

軟石膏

煨

香附

童便浸透

梔子

炒各分

右為細末粥丸如梧桐子大每服五十九丸薑湯下

麴朮丸治中脘有飲則嘈宿食則酸

方見吞酸門

痞滿二十三

論

內經曰備化之紀其病痞又曰太陰所至為積飲痞膈夫痞滿之證東垣論之詳矣謂太陰溼土主壅塞乃土來心下為痞滿也傷寒下之太早亦為痞滿乃寒傷榮血而然心主血邪入於本故為心下痞仲景以瀉心湯用黃連瀉心下之土邪功効甚速非止傷寒為然至於酒積雜病下之太過亦作痞滿蓋下多則亡陰也亡陰者謂脾胃水穀之陰亡也故胸中之氣因虛而下陷于心之分野故心下痞宜升胃氣以血藥兼之若全用利氣之藥導之則痞尤甚痞甚而復下之氣愈下降必變為中滿鼓脹皆非其治也又有虛實之異如實痞大便秘者厚朴枳實主之虛痞大便利者芍藥陳皮主之如飲食所傷而為痞滿者宜消導其胸中窒塞之氣上逆兀兀欲吐者則宜吐之所謂在上者因而越之是也學者宜詳究焉



脈法

脈經曰痞脈浮緊而下之緊反入裏因作痞

脈濡弱弱反在關濡反在顛微反在上澁反在下微則陽氣不足澁則無血陽氣反微

中風汗出而燥煩澁則無血厥而且寒陽微不可下下則心下痞堅

右關脈多弦弦而遲者必心下堅

此肝木剋脾土鬱結涎閉於臟腑氣不舒則痞

方法丹溪方法  
凡二條

丹溪曰痞滿與脹滿不同脹滿內脹而外亦形痞則內覺痞悶而外無脹急之形也蓋由陰伏陽蓄氣血不運而成位乎心下之中臍痞滿塞皆土邪之所為耳有因誤下裏氣虛邪乘虛而入於心之分野有因食痰積不能施化鬱而作痞者有溼熱太甚土來心下而為痞者

用黃連黃芩枳實之苦以泄之厚朴生薑半夏之辛以散之人參白朮之甘溫以補之茯苓澤瀉之鹹淡以滲之大槲與溼同治使上下分消可也

厚朴溫中湯治脾胃虛弱心腹脹滿疼痛時發時止

厚朴薑汁拌炒

陳皮去白各一錢

茯苓

草豆蔻

甘草

木香各五分

乾生薑一錢

右細切水煎服

木香順氣湯治腹脹心腹滿悶

木香 益智 陳皮 蒼朮 草豆蔻各五分 厚朴薑製 青皮各四分

茯苓 澤瀉 半夏各六分 乾生薑 茱萸各三分 當歸 人參各五分

升麻 柴胡各一錢

右細切作一服水一盞半煎至一盞溫服

瘡有痰挾血成窠囊者用桃仁紅花香附大黃之類治之

七氣湯治七情所傷憂思鬱結腑臟氣不和平心腹痞悶

半夏 茯苓各二錢 厚朴薑製一錢五分 紫蘇葉一錢

右細切作一服加生薑三片水一盞半煎至一盞溫服

大消痞丸治一切心下痞及年久不愈者

乾生薑 神麴炒 甘草炙各二錢 猪苓二錢五分 澤瀉 厚朴薑汁拌炒

砂仁各三錢 半夏湯泡七次去皮臍 陳皮去白 人參各四錢 黃連陳壁土炒去土

黃芩如連製各六錢 枳實穰殼炒 薑黃 白朮各一兩

右為細末湯浸蒸餅為丸如梧桐子大每服五十九至百丸空心白湯下

失笑丸一名枳實消痞丸 治右關脈弦心下虛痞惡食懶倦開胃進食



乾生薑一錢

甘草炙

麥藥麴炒

白茯苓

白朮各二錢

半夏糲

人參各三錢

厚朴薑製四錢

枳實麴炒黃色

黃連各五錢

右為細末蒸餅為丸如梧桐子大每服七八十丸白湯下

消痞湯一名木香

治因憂氣鬱結中脘腹皮裏微痛心下痞滿不思飲食

川歸

枳實炒各四分

陳皮

生薑

木香各六分

柴胡七分

甘草炙

草豆蔻各一錢

麴色煨

半夏一錢五分

紅花一分

右細切作一服加生薑三片水二盞煎至一盞溫服

黃連消痞丸治心下痞滿壅滯不散煩熱喘促不安

澤瀉

薑黃各一錢

乾生薑二錢

甘草炙

茯苓

白朮各三錢

陳皮五錢

猪苓去黑皮五錢

枳實麴炒黃色七錢

半夏湯泡七次九錢

黃連一兩

黃芩二兩炒

右為細末蒸餅為丸如梧桐子大每服五十丸白湯下

黃芩利膈丸除胸中熱利膈上痰

生黃芩

炒黃芩各一兩

半夏

黃連各五錢

澤瀉五錢

南星

枳殼

去核炒

陳皮去白各三錢

白朮二錢

白礬一錢

今加蘿蔔子五錢炒

小皂角 一錢

右為細末湯浸蒸餅為丸如梧桐子大每服五十丸白湯下忌酒濕鮑魚腥

丹溪活套云凡心下痞滿須用枳實黃連 如肥人心下痞內有滯飲宜蒼朮半夏縮砂

茯苓滑石之類 如瘦人心下痞乃鬱熱在上焦宜枳實黃連以導之葛根升麻以發

之 如人飲食後因冒風寒飲食不消而作痞滿宜吳茱萸黃連砂藿香草豆蔻之類溫

以化之 如脾氣虛弱轉運不調飲食不化而作痞者宜白朮山查神麴麥芽之類以

消之 又曰痞滿之證不一有傷寒下早而作痞者枳殼桔梗湯小陷胸湯之類 有

因飲食填塞胸中而作痞者保和丸東垣枳實導滯丸木香化滯湯之類 傷寒下多

則亡陰而痞者四物湯加參苓白朮升麻柴胡少佐以陳皮枳殼之類除之 或大病

後元氣未復而胸滿氣短者宜補中益氣湯陳皮枳朮丸木香枳朮丸之類 夫痞滿

之證不可執一全在活法詳脈證虛實而調之可也

山頭沈三十一丈年三十餘身材肥盛夏秋間因官差丈量田地辛苦至冬間得痞滿證

兩脇氣攻胸中飽悶不能臥欲成脹滿證歷數醫者皆與疎氣耗散之藥皆不効十一

月初旬召予診治兩手關前皆浮洪而弦滑兩關後脈皆沈伏予曰此膈上有稠痰脾

上之氣敦阜肝木鬱而不伸當用吐法木鬱達之之理也奈何值冬月降沈之令未可



行此法且先與豁痰疎肝氣瀉脾胃敦阜之氣用平胃散加半夏茯苓皮川芎草龍  
膽香附砂仁柴胡黃連瓜蒌子等藥病退之十有三四待次年二月初旬為行倒倉法  
平安

腫脹二十四

論

內經曰諸濕腫滿皆屬於脾又曰諸腹脹大皆屬於熱夫脾虛不能制水水漬妄行故通  
身面目手足皆浮而腫名曰水腫或腹大如鼓而面目四肢不腫者名曰脹滿又名鼓脹  
皆脾土溼熱為病腫輕而脹重也丹溪曰心肺陽也居上腎肝陰也居下脾居中亦陰也  
屬土經曰飲食入胃游溢精氣上輸於脾脾氣散精上歸於肺通調水道下輸膀胱水精  
四布五經並行是脾具坤靜之德而有乾健之運故能使心肺之陽降腎肝之陰升而成  
天地交之泰是為平人今也七情內傷六淫外侵飲食不節房勞致虛脾土之陰受傷轉  
輸之官失職胃雖受穀不能運化故陽自升陰自降而成天地不交之否清濁相混隧道  
壅塞溼鬱為熱熱又生溼溼熱相生遂成脹滿經曰鼓脹是也以其外雖堅滿中空無物  
有似於鼓膠固難治又名蠱者若虫侵蝕有蠱之義理宜補脾又須養肺以制木使脾無  
賊邪之慮滋腎以制火使肺得清化之令卻鹽味以防助邪斷妄想以保母氣遠音樂戒暴怒

無有不安醫者不察急於獲効病者苦於脹滿喜行利藥以求通快殊不知寬得一日二日復脹愈甚真氣已傷去死不遠矣俗謂氣無補法者以其痞滿壅塞似難於補不思正氣虛而不能運行邪滯著而不出所以為病經曰壯者氣行則愈怯者著而成病氣虛不補邪何由退病何由安且此病之起固非一年根深蒂固欲取速効自求禍耳知王道者可與語此其或受病之淺脾胃尚壯積滯不固者惟可畧與疎導而不可峻與利藥也

愚按先生此論詳明殆盡誠千古不易之定議也及視東垣脹滿論又以臟寒生滿病立說引脈經胃中寒則脹滿之語以為之證愚恐南北風土寒熱不同難以一途而論雖然愚嘗以丹溪法活人多矣是以東垣之論不與昭合故不敢採取其言以為後人之惑也

### 脈法

鍼經曰其脈大堅以濇者脹也

脈經曰關上脈虛則內脹

遲而滑者脹

脈盛而緊者脹

虛而緊濇者脹

或弦而

遲或浮而數皆脹也

丹溪曰水腫脈多沈伏病陽水無陽證脈必沈數

病陰水無陰證脈必沈遲

煩渴小

便赤澀大便秘結此為陽水

不煩渴大便秘澀小便少而不赤澀此為陰水

脈沈而



滑為風水 脈浮而遲弦而緊皆為腫也

水病腹大如鼓脈實者生虛者死洪大者生微細者死 腹脹便血脈大時絕劇脈小

疾者死 中惡腹大四肢腫脈大而緩者生浮而緊者死 緊而榮衛俱絕面浮腫者

死 唇腫齒焦者死 卒唇腫面蒼黑者死 掌腫無紋者死 臍腫凸出者死 缺

盆平者死 陰囊莖俱腫者死 脈絕口張足腫者死 足跌腫膝如斗者死

方法

丹溪方法  
凡八條

丹溪曰古方惟禹餘糧丸制肝補脾殊為切當然亦須隨時隨證加減一友人得脹疾自  
制此藥服之予曰溫熱藥多且煨煉之火尚存宜自加減彼不聽服之一月口鼻出血  
骨立而死

朝寬暮急血虛暮寬朝急氣虛朝暮急氣血俱虛

治腫脹大法宜補中行溼利小便以人參白朮為君蒼朮陳皮茯苓為臣黃芩麥門冬  
為使以制肝木少加厚朴以消腹脹氣不運加木香木通氣下陷加升麻柴胡提之  
血虛加補血藥痰盛加利痰藥隨證加減用之無不効者

盧氏醫鏡以水腫隸於腎肝胃而不及脾又肺金盛而生水水溢妄行豈理也哉夫脾土  
受病肺為之子固不能自盛而生水然肺金氣清而能生水則滋長腎陰奉行降令為

生化之源何病腫之有今為腫之水乃腐濁之氣滲透經絡流注豁谷灌入隧道血亦因之而化水欲藉脾土以制之通腎氣以利之殊不知脾病則金氣衰木竅於畏而來侮土脾欲不病不可得矣治法宜清心經之火補養脾土全運化之職肺氣下降滲道開通其精氣之稍清者復回而為氣為血為津液其敗濁之甚者在上為汗在下而為溺以漸而分消矣

腰已上腫者宜發汗腰已下腫者宜利小便此仲景之法

東垣曰宜以辛散之以苦瀉之以淡滲利之使上下分消其溼正所謂開鬼門潔淨府開鬼門者謂發汗也潔淨府者利小便也

產後浮腫必大補氣血少佐以蒼朮茯苓使水自降大劑白朮補脾壅滿者用半夏陳皮香附監之有熱當清肺金麥門冬黃芩之屬

熱水腫用山梔子仁炒為末米飲調下三五錢若胃脘熱病在上者連殼用

禹餘糧丸治中滿氣脹喘滿及水氣脹

蛇含石

三兩煨

針砂五錢

禹餘糧

針砂同炒

已上三味為主其次量人虛實入下項藥

木香

牛膝

蓬莪朮

白茯苓

桂心

川芎

茴香

白芷



仁 三棱 羌活 茯苓 乾薑 青皮 陳皮 附子炮

常歸各五錢 右為末湯浸蒸餅為丸如梧桐子大每服五十丸空心溫酒下

繫矩三和湯

陳皮去白 紫蘇 甘草炙各七分 厚朴薑製 枳榔 白朮各一錢

海金沙四分 木通二分 右細切作一服加生薑三片水煎服

濟生紫蘇子湯專治憂慮過度致傷脾肺心腹脹滿喘促治腸鳴氣走澀澀有聲大小便

不利脈虛而緊瀉

紫蘇子一錢研 白朮二錢 人參一錢 大腹皮酒洗 草果仁

半夏 厚朴 木香 陳皮 枳殼微炒黃色 甘草炙各五分

右細切作一服加生薑三片大棗一枚水煎溫服

木香順氣湯治濁氣在上則生腹脹

木香三分 厚朴四分 青皮 陳皮 益智 茯苓 澤瀉

乾生薑 半夏各二分 吳茱萸湯泡二分 川歸五分 升麻 柴胡各一分

草薢三分 蒼朮五分 白朮一錢

右細切作一服水二盞煎至一盞溫服

中滿分消丸治中滿鼓脹氣脹水脹熱脹

黃芩去朽細切酒拌炒二次六錢 黃連枳實熟炒黃也 半夏湯泡七次去皮各五錢 薑黃

白朮人參各二錢五分 甘草炙 猪苓去黑皮各一錢 乾生薑 白茯苓

砂仁各二錢 厚朴熟製五錢 知母去毛酒炒 澤瀉 陳皮去白各三錢

右為細末蒸餅糊丸如梧桐子大每服百丸焙熟白湯或淡薑湯下

廣朮潰堅湯治中滿腹脹內有積塊堅硬如石令人坐臥不寧一便澀滯上氣喘促或通

身虛腫

厚朴薑製 黃芩 黃連 益智 草薢各五分 當歸各五分 半夏

七分 廣朮 升麻 紅花 吳茱萸各二分 生甘草 柴胡

澤瀉 神麴炒 青皮 陳皮各三分 渴加乾葛四分

右細切作一服加生薑三片水二盞煎七分溫服食遠忌酒醋溼麪二服之後中滿

減半止有積塊未消再服後藥

半夏厚朴湯

紅花 蘇木各半 木香 青皮各二分 吳茱萸 乾生薑

黃連各一 肉桂 蒼朮 白茯苓 澤瀉 柴胡 陳皮



生薑

草薺

生甘草

京三稜

當歸

桃仁

厚朴

半夏

神麴

白茯苓

猪苓

升麻

神麴

厚朴

半夏

神麴

白茯苓

白茯苓

白茯苓

白茯苓

如泥

昆布

如渴

加乾葛

神麴

神麴

神麴

神麴

神麴

神麴

右細切作一服水三盞煎至一盞稍熱服服此藥二貼之後前証又減一半卻於前

藥中加減服之

破滯氣湯

一名木香

破滯氣心腹滿悶

甘草

分一

白檀香

藿香

陳皮

大腹子

白芷

白芷

白芷

白芷

白芷

桔梗

分二

砂仁

人參

青皮

檳榔

木香

薑黃

薑黃

薑黃

薑黃

薑黃

白朮

分四

右細切作一服水一盞半煎至一盞去粗溫服不拘時候

草薺薺湯治腹中虛脹

澤瀉

一分

木香

神麴

神麴

神麴

神麴

神麴

神麴

神麴

神麴

神麴

黃芪

春夏不用

益智

甘草

各五分

青皮

陳皮

陳皮

陳皮

陳皮

陳皮

陳皮

當歸

各七分

右細切作一服加生薑三片水二大盞煎至一盞溫服冬月加黃芪五七分春夏止

服正藥食遠溫服

葶藶木香散治溼熱內外甚水腫腹脹小便赤澀大便滑泄此藥下水溼消腫脹止瀉利小便之聖藥也

葶藶子

茯苓去皮

猪苓去皮

白朮各二錢五分

木香五分

澤瀉

木通

甘草各五錢

辣桂二錢五分

白滑石三兩

右為細末每服三錢白湯調下食前服

白朮木香散治喘嗽腫滿欲變成水病者不能臥不敢多食小便閉而不通者

白朮

木猪苓去皮

甘草

澤瀉

木通

赤茯苓各五分

木香

檳榔各三分

陳皮去白二錢

官桂二分

滑石二錢

右細切作一服加生薑三片水一盞半煎至一盞溫服

二氣散治水氣蠱脹滿悶

白丑

黑丑各二錢

右為細末外用大麥麴四兩同一處拌勻做燒餅臨臥用茶清一盞下降氣為驗

牽牛丸治一切溼熱腫滿等証

大黃

黑丑

椒目

黃芩

滑石各等分



右為細末酒煮糊為丸如梧桐子大每服五丸至七丸生薑湯下食後服看虛實加減丸數

三花神祐丸治中滿腹脹喘嗽淋悶一切水淫腫滿淫熱腸垢陳積變生諸疾久病不已黃瘦困倦氣血壅滯不得宣通或風熱燥鬱肢體麻痺走注疼痛風痰涎嗽頭目眩暈瘧疾不已癥瘕積聚堅滿痞悶酒積食積一切痰飲嘔逆及婦人經病不快帶下淋瀝無問赤白併男婦傷寒淫熱腹滿實痛久新瘦弱俗不能辨兼治新舊腰痛併一切下痢及小兒驚疳積熱乳癖腹滿並宜服之

甘遂

大戟

芫花醋拌濕炒各五錢

黑丑

二兩取頭末一兩淨

大黃

一兩

輕粉一錢另包不研

右為細末同輕粉拌勻滴水為丸如小豆大初服五丸每服加五丸溫水下日三服加至快利為度利後卻又常服病去乃止設病愈後惟老弱久病虛人勿服平人常服保養宣通氣血消進飲食病痞悶極甚者便多服則頓攻不開轉加痛悶宜初服二丸每服加二丸至快利為度以意消息小兒丸如麻子大隨強弱大小增減丸數三四歲者三四丸依前法服

宣明雞屎醴飲

詞出素問腹中論

治鼓脹旦食則不能暮食痞滿壅塞難當

大黃

桃仁去皮

乾雞屎

右各等分為細末每服二錢水一盞生薑三片煎湯調下食遠臨臥服

丹溪活套云凡腹脹須用薑製厚朴肥人腹脹必用利溼蒼朮茯苓滑石海金沙之類

色白人腹脹必是氣虛用人參白朮白茯苓之類 瘦人腹脹是熱必用黃連黃芩梔

子厚朴之類 如因有故蓄血而腹脹者用桃仁紅花甚者用抵當湯丸之類 如因

食積而腹脹者保和丸加木香檳榔阿魏之類 有熱鬱而脹者木香檳榔丸之類下

之 有寒積鬱結而脹者局方丁香脾積丸東垣三稜消積丸之類 如因外寒鬱內

熱而腹脹者用藿香官桂升麻乾葛之類 如因多怒鬱氣而脹者宜用蒼朮撫芎香

附青皮芍藥柴胡及龍薈丸之類 凡腹脹初得是氣脹宜行氣疎導之劑木香檳榔

枳殼青皮陳皮厚朴之類 久則成水脹宜行溼利水之劑

祖傳經驗雞屎醴治鼓脹氣脹水脹等証

羯雞屎一升

右一味研細炒焦色地上出火毒再研極細百沸湯三升淋汁每服一大盞調木香

檳榔末各一錢日三服空腹服以平為期

又經驗方治腫脹或通身水腫或腹大堅滿



三棱

莪朮各用醋炒

陳皮去白

青皮

砂仁

羌活

防己

澤瀉

連翹

枳榔各三錢

甘遂二錢五分

椒目

木香

乾漆炒烟盡各一錢

白朮

黑朮各二兩頭末九錢

大黃八錢

雙頭蓮三錢

右研為細末麪糊為丸如梧桐子大每服三錢重空心溫酒送下以利為度病退即

止藥忌甘草菰菜鹽醬

又經驗桃奴丸治婦人或室女月經不通漸成脹滿及男子墜馬跌扑損傷以致瘀血停

積成血蠱病皆能治之

桃奴

桃樹上乾朽嫩桃也十二月收用

玄胡索

猯鼠糞兩頭尖者是雄鼠糞也

香附子

官桂

五靈脂

砂仁

桃仁去皮尖各等分

右為末每服三錢溫酒調下

予族八一兄素能飲酒年五十得腫脹病通身水腫腹脹尤甚小便澀而不利大便滑泄召予治予曰若戒酒色鹽醬此病可保無危不然去生漸遠兄曰自今日戒起予以丹溪之法而以參朮為君加利水道制肝木清肺金等藥十貼而小水長大便實腫退而安又半月有二從弟平日同飲酒者曰天民弟素不飲酒山中之鹿耳我與兄水中之魚也鹿可無水魚亦可無水乎三人遂痛飲沈醉而止次日病作甚於前復來求治予曰不可為矣挨過一月而逝

梅林妻姪孫駱智二得腫脹証亦令戒前四事用前法服藥四五十貼而愈頗安五年一日嘆曰人不吃鹽醬與死何異遂開鹽十數日後舊病大作再來求治不許又告欲行倒倉法予曰脾虛之甚此法不可行於今日也踰月膨脹而死予用丹溪之法治腫脹愈者多矣不能盡述特書此二人不守禁忌者以為後人病此者之戒云

積聚二十五

論

內經曰積聚留飲痞膈中滿溼積霍亂吐下癥瘕堅硬腹滿皆太陰溼土乃脾胃之氣積聚之根也難經曰積者陰氣也聚者陽氣也故陰沈而伏陽浮而動血之所積名曰積氣之所聚名曰聚故積者五臟所生聚者六腑所成也夫所謂積者陰氣也其始發有常處其痛不離其部上下有所終始左右有所窮處謂聚者陽氣也其始終無根本其痛或隱或見上下無所留止痛發無所定位是故肝之積名曰肥氣在左脇下如覆杯有頭足久不愈令人發欬逆痰瘧連歲不已心之積名曰伏梁起臍上大如臂上至心下久不愈令人煩心脾之積名曰痞氣在胃脘右側覆大如盤久不愈令人四肢不收發黃疸飲食不為肌膚肺之積名曰息奔在右脇下大如覆杯久不愈令人洒淅寒熱喘咳發肺癰腎之積名曰奔豚在小腹上至心下若豚狀或上或下無時久不愈令人喘逆骨痠少氣東垣曰鍼經



云其成積者蓋厥氣生足惋足惋生脛寒脛寒則血脈凝澀故寒氣上入腸胃所以腹脹腹脹則腸外之汁沫迫聚而不得散日以成積矣或盛食多飲則脾傷或起居不節用力過度則絡脈傷陽絡脈傷則血外溢血外溢則衄血陰絡脈傷則血內溢血內溢則便血腸胃之絡脈傷則血溢於腸外腸外有寒汁沫與血相搏則凝聚而成積矣或外中於寒內傷於憂怒則氣上逆氣逆則六腑不通溫氣不行凝血蘊裏不散津液凝滲滲着不去而成積矣又曰生於陰者蓋憂思傷心重寒傷肺忿怒傷肝醉以入房汗出當風則傷脾用力過度入浴則傷腎此內外三部之所生病也故難經中說五積各有其名如肝積曰肥氣在左脇下如杯而臍左有動氣按之牢若痛者是無是非也餘積皆然治者當察其所痛以知其應有餘不足可補則補可瀉則瀉毋逆天時詳臟腑之高下如寒者熱之結者散之客者除之留者行之堅者削之按之摩之醢以軟之苦以瀉之全其真氣而補益之隨其所利而行之節飲食慎起居和其中外可使必已不然徒以大毒之劑攻之積不能除反傷正氣終難復也可不慎與

### 脈法

脈經曰脈來細而附骨者積也在寸口積在胸中微出寸口積在喉中在關上積在臍旁在關中積在心下微下關積在小腸尺微積在氣衝脈出在右積在右脈出在左積在

左脈兩出積在中央各以其部處之也

在關中一  
作上關上

脈來小沈而實者脾胃中有積聚不下食食則吐

肺積脈浮而毛按之辟易

心積脈沈而芤上下無常處

肝積脈弦而細

腎積脈沈而急

脈沈重而中散者因寒食成積

脈左轉而沈重者氣癥積在胸中

脈右轉出不至寸口者內有肉癥也

方法

丹溪方法  
凡六條

丹溪曰塊乃有形之物氣不能成形痰與食積死血也在中為痰飲在右為食積在左為死血大法臠以軟之堅以削之行氣開痰為主

治積塊方用海石三稜莪朮香附

以上俱  
用醋煮

桃仁紅花五靈脂之類為丸石礮白朮湯

下

黃蜀葵根煎湯入人參白朮青皮陳皮甘草梢牛膝煎成膏入細研桃仁玄明粉各少許熱飲之二服當見塊下病重者須補接之後加減再行



石醪去痰積食積洗滌垢膩有功

瓦礫子能消血塊次消痰

瓦礫子即蚌殼也盧尚書移鎮嶺南改蚌名瓦礫子以其殼上有稜如瓦屋故名之耳出嶺表異錄

積塊不可專用下藥徒損其氣病亦不去當消導使之鎔化其死血塊去須大補

### 三聖膏貼積塊

用未化石灰半斤為末瓦上炒微紅提出候熱稍減入大黃末一兩炒熱仍提出入

桂心末五錢略炒以米醋熬成膏厚攤烘熱貼之

### 琥珀膏

用大黃朴硝各一兩為末以大蒜搗膏貼之

阿魏丸治肉積成塊

阿魏

山查

各一兩

連翹

五錢

黃連

六錢五分

右以下三味為細末以阿魏用米醋煮糊為丸如梧桐子大每服五十丸脾胃虛者以白朮三錢陳皮茯苓各一錢煎湯送下一方加半夏一兩

以皂角同煮透晒乾用

石醪三

錢

又一方以醋煮神麴糊為丸無連翹

又一方既兼諸方而又有瓜萸貝母南

星風化硝胡黃連萊菔子麥蘖麴薑汁浸蒸餅為丸治諸般積聚用者更宜詳之

大溫中丸

小溫中丸俱治食積成痞塊面色痿黃肌膚虛腫飲食無味等証

二方俱見黃疸門

凡婦人腹中有塊多屬死血

一方治婦人死血食積痰飲成塊在兩脇動作雷鳴嘈雜眩暈身熱時作時止

黃連一兩五錢

去菜葉一半以益智五錢同炒去益智

萊菔子

一兩五錢炒

台芎

梔子

三棱

莪朮

醋煮

麥麴

炒

桃仁

去皮尖各五錢

香附

童便浸焙乾

山查各一兩

右為細末蒸餅為丸如梧桐子大每服五十丸薑湯下

一方治婦人血塊如盤有孕難服峻藥

香附

四兩醋煮

桃仁

一兩去皮尖另研

海石

二兩醋煮

白朮

一兩

右為細末神麴糊丸服

凡痞塊在皮裏膜外須用補氣藥及香附開之兼二陳湯先須斷厚味為要

倒倉法用肥嫩黃牝牛肉二三十斤切成小片去筋膜長流水煮糜爛以布濾去渣滓

取淨汁再入鍋中慢火熬至琥珀色則成劑矣令病者預先斷慾食淡前一日不食

晚飯設密屋一間明亮而不通風處行之置穢桶及木瓦盆於吐下之物一磁瓶盛

所出之溺令病者入室以汁飲一杯少時又飲一杯積數十杯寒月則重湯溫而飲

之任其吐利病在上者欲其吐多病在下者欲其利多病在中者及在上復在下者



欲其吐利俱多全在活法而為之緩急多寡也視所出之物必盡病根乃止吐利後必渴甚不得與湯以所出之溺飲之名輪迴酒非惟可以止渴抑且可以蕩滌餘垢行後倦睡覺飢先與稠米飲次與淡稀粥三日後方可與小菜羹次與略厚粥軟飯調養半月或一月自覺精神煥發形體輕健沈疴悉能痊矣其後須忌牛肉數年夫牛坤土也黃土之色也以順為性而効法乎乾以為功者壯之用也肉者胃之樂也熟而為液無形之物也橫散入肉絡由腸胃而滲透肌膚毛竅爪甲無不入也積聚久則形質成依附腸胃迴薄曲折處以為栖泊之窠曰阻礙氣血津液薰蒸燔灼成病自非刮腸刮骨之神妙可以銖兩丸散窺犯其藩牆戶牖乎肉液之散溢腸胃受之其厚皆倍於前有似乎腫其迴薄曲折處肉液充滿流行有如洪水泛漲其浮槎陳朽皆推逐蕩漾順流而不可停留在表者因吐而汗其清道者自吐而湧瀉道者自泄而去凡屬滯礙一洗而盡牛肉全重厚和順之性盎然渙然潤澤枯槁補益虛損寧無精神煥發之樂乎正似武王克商散財發粟以賑殷人之仰望也其方得於西域之至人凡人於中年後行一二次亦卻疾養壽之一助也

夫倒倉法全藉自飲輪迴酒十數杯以祛逐餘垢迎接調勻新布榮衛使臟氣膏膜生意數暢有脫胎換骨之功也多嫌其穢因致中輟而功虧一簣若非明物理通造化

者其肯視為美醞良味乎

此段乃丹溪與人書簡所論也

愚按內經謂脾胃者倉廩之官五味出焉大腸者傳道之官變化出焉小腸者受盛之官化物出焉今詳此法名為倒倉謂傾倒倉廩之陳腐也其論中反覆叮嚀之意無非只為腸胃中痰積膠固及化生諸般奇形之虫誠恐痼疾難療愚嘗屢試明驗惟脾胃與大小腸有食積痰飲而為腹痛痞癖食瘡黃胖痞滿惡心噯氣嘈雜吞酸等証行之無不應手獲効其餘一應氣血虛損與夫反胃膈噎鼓脹癆瘵大風真病已成及肥白氣虛之人或一切証候脈虛軟無力者切不可輕試以自招咎愆丹溪有謂咯血吐血紅久病嘗用此法而愈者蓋必其人胃中痰火太盛而真氣壯實未虧亦在丹溪之高見親手用之則可今人效顰而妄以似是而非者行之是乃徒取誚於他人而反謗以丹溪之法不堪信也慎之慎之

廣朮潰堅湯治有積塊堅硬如石形大如盤令人坐臥不安二便澀滯上氣喘促或通身

虛腫中滿腹脹

方見腫脹門

半夏厚朴湯治証同前

方見腫脹門

三因散聚湯治九氣積聚狀如癥瘕隨氣上下發作有時心腹疔痛攻刺腰脇小腹膜脹大小便不利



半夏

檳榔

川歸各四分

陳皮

杏仁去皮尖另研

桂心各一錢

茯苓一錢

甘草炙

附子炮

川芎各五分

枳殼銹炒

厚朴薑製

吳茱萸

湯泡去梗焙乾各一錢五分

大黃

酒拌熨飯五分或一錢大便利即去之

右細切作一服加生薑三片水二盞煎至一盞溫服

大七氣湯治積聚狀如癥瘕隨氣上下發作有時心腹疔痛上氣窒塞小腸脹滿

益智

陳皮

京三稜

蓬朮

香附子

炒各一兩五錢

桔梗

肉桂

藿香葉

甘草炙

青皮各二錢半

右咬咀每服五錢水煎

千金硝石丸止可磨塊不令人困瀕量虛實用之

硝石六兩

大黃八兩另研

人參

甘草各三兩

右為細末以三年陳米醋三升置磁器中以竹片作準每入一升作一刻先入大黃

不住手攪使微沸盡一刻乃下餘藥又盡一刻微火熬使可丸如雞子黃大每服一

丸白湯化下或丸如梧桐子大每服三五丸服後下如雞肝或如米泔赤黑色等

物乃効下後忌風冷宜軟粥將息

局方妙香丸治久年陳積方見火門

道氣枳殼丸治氣結不散心胸痞痛逆氣上攻分氣逐風功莫盡述

枳殼去穰  
數炒

木通

青皮

陳皮並去  
白

桑白皮炒

萊菔子炒

白丑炒

黑丑炒

莢朮煨

茴香炒

京三稜炮

右各等分為細末薑汁調麪煮糊為丸如梧桐子大每服三十丸煎橘皮湯下

木香三稜丸治一切氣悶胸膈痞滿榮衛不和口吐酸水嘔逆惡心飲食不化脇肋疼痛

無問久新並皆治之

青木香

破故紙

茴香

黑丑

甘遂

芫花

大戟

京三稜

蓬莪朮炮

川棟子

葫蘆巴

巴戟已上各  
一兩

巴豆不去油  
二分

陳倉米三合與巴豆  
一處同炒黑

砂仁一兩  
五錢

右細切用好米醋二升除砂仁木香外餘藥入醋中浸一宿入鍋內煮醋盡乾為度

同木香砂仁為細末醋煮麪糊為丸如菜菔大每服五丸或七丸食後服看虛實大

小加減丸數隨湯水任下

東垣草豆蔻丸治酒積或傷寒冷之物胃脘痛咽膈不通

草豆蔻麩裹煨

白朮各一  
兩

大麥蘖

神麪各炒

黃芩炒

半夏

各五錢湯  
泡七次

枳實炒二  
兩

陳皮

青皮

乾生薑各二  
錢炒

炒鹽五錢

右為極細末湯浸蒸餅為丸如菜菔大每服一百丸熱水下



愚按此方乃飲酒過度恣食寒涼之物有痰癖積飲在胸腹間作痛者之所宜也

肥氣丸治肝之積名曰肥氣在左脇下如覆杯有頭足久不愈令人發欬逆痰瘧連歲不

已

厚朴薑製五錢

黃連七錢

柴胡二兩

川椒四錢炒去合口者

巴豆霜五分

乾薑炮五錢

川烏炮二錢

皂角去皮弦炙一錢五分

白茯苓一錢五分

廣朮炮二錢五分

人參二錢五分

甘草炙三錢

昆布酒洗二錢五分

右件除茯苓皂角巴豆霜另研末外諸藥共為極細末和勻煉蜜為丸如梧桐子大

初服二丸一日加一丸二日加二丸漸漸加至大便秘澀再從二丸起加服之週而

復始積減大半勿服

伏梁丸治心之積名曰伏梁起臍上大如臂上至心下久不愈令人煩心

黃連一兩五錢

厚朴薑製

人參各五錢

黃芩三錢炒

桂枝一錢

乾薑炮

菖蒲

巴豆霜各五分

紅豆蔻二分

川烏頭炮五分

茯神

丹參炒各一錢

右件除巴豆霜外為細末另研巴豆霜旋入末和勻煉蜜丸如梧桐子大服如上

法淡黃連湯下

肌膚

痞氣丸治脾之積名曰痞氣在胃脘覆大如盤久不愈令人四肢不收發黃疸飲食不為

厚朴

薑製四錢

黃連

八錢

吳茱萸

三錢

黃芩

二錢炒

白茯苓

去皮

人參

去蘆

澤瀉

各一錢

川烏

炮五錢

川椒

五分炒

茵陳

酒炒

乾薑

砂仁

各一錢半

白朮

二分

巴豆霜

四分

桂皮

四分

右件除巴豆霜另研茯苓另末旋入外同為細末和勻煉蜜為丸如梧桐子大服如

上法淡甘草湯下

息奔丸治肺之積名曰息奔在右脇下大如覆杯久不愈令人洒淅寒熱喘咳發肺癰

厚朴

薑製八錢

黃連

炒一兩

乾薑

炮

白茯苓

去皮

川椒

炒去合

紫苑

各一錢五分

川烏

炮

桔梗

去蘆

白芷

去根

陳皮

去白

京三稜

醋煮

天門冬

去心各一錢

人參

二錢

青皮

五分去白

巴豆霜

四分

右件除茯苓巴豆霜各另研旋入外同為細末和勻煉蜜為丸如梧桐子大服如上

法淡薑湯送下

已上四方秋冬加厚朴減黃連四分之一

奔豚丸治腎之積名曰奔豚發於小腹上至心下若豚狀或上或下無時久不愈令人喘

逆骨痿少氣及治男子內結七疝女人瘕聚帶下



厚朴七分

黃連五錢

白茯苓去皮

澤瀉

菖蒲各二錢

川烏炮

丁香各五分

苦棟酒煮三錢

玄胡索一錢五分

全蝎去毒尾

附子炮

獨活各一錢

肉桂一分去粗皮

巴莖霜五分

右件除巴豆霜茯苓各另研為末旋入外共為細末和勻煉蜜為丸如梧桐子大淡

鹽湯下服如上法

虛損二十六

論

內經曰飲食飽甚汗出於胃驚而奪精汗出於心持重遠行汗出於腎疾走恐懼汗出於肝搖體勞苦汗出於脾又曰久視傷血久臥傷氣久坐傷肉久立傷骨久行傷筋若夫七情五志之火飛越男女聲色之慾過淫是皆虛損之所由也機要曰虛損之疾寒熱因虛而感也感寒則損陽陽虛則陰盛損自上而下一損損於肺皮聚而毛落二損損於心血脈虛少不能榮於臟腑婦人則月水不通三損損於胃飲食不為肌膚治宜以辛甘淡過於胃則不可治矣感熱則損陰陰虛則陽盛損自下而上一損損於腎骨痿不能起于床二損損於肝筋緩不能自收持三損損於脾飲食不能消尅治宜以苦酸鹹過於脾則不可治矣又曰心肺損而色弊腎肝損而形痿難經曰治損之法損其肺者益其氣損其心

者補其榮血損其脾者調其飲食適其寒溫損其肝者緩其中損其腎者益其精是皆虛損病因治法之大要也學者詳之

脈法

脈經曰脈來軟者為虛 緩者為虛 微者為虛 弱者為虛 弦者為中虛

脈來細而微者血氣俱虛 脈小者血氣俱少

要略曰脈芤者為血虛 脈沈小遲者脫氣

又曰血虛脈大如蔥管 又曰脈大而芤者脫血

方法丹溪方法  
凡一條

丹溪曰天為陽而運于地之外地為陰而居于天之中天之大氣舉之日實也屬陽而運於月之外月缺也屬陰稟日之光以為明人受天地之氣以生天之陽氣為氣地之陰氣為血故陽常有餘而陰常不足氣常有餘而血常不足也又曰經曰精不足者補之以味味陰也補精以陰求其本也然味乃如穀菽藿菜出於天賦自然沖和之味故有食人補陰之功非醯醬烹飪調和偏厚之味出於人為者也經曰陰之所生本在五味非天賦之味乎曰陰之五宮傷在五味非人為之味乎善攝生者不可謂味以補精而遂恣于口腹以自速其禍也又曰形不足者溫之以氣溫養也溫存以養使氣自充氣充



則形完矣曰補曰溫各有其旨局方悉以溫熱藥佐輔名曰溫補豈理也哉又曰人年老或虛損精血俱耗陰不足以配陽孤陽幾於飛越天生胃氣尚爾留連又藉水穀之陰故羈縻而定耳局方用溫劑刻虛蓋脾胃得溫而食進故亦暫可夫質有厚薄病有淺深設或失手何以收救吾寧稍遲計出萬全溫劑補虛決不敢用

丹溪治老人虛損但覺小水短少即是病進宜以人參白朮為君牛膝芍藥為臣陳皮茯苓為佐春加川芎夏加黃芩麥門冬秋冬加當歸身倍生薑一日或一貼或二貼小水之長若舊乃止此老人養生之捷法也此丹溪養母之方也

#### 四君子湯治氣虛

人參一錢五分

白朮

茯苓各二錢

甘草一錢

右細切作一服水煎如自汗或小水利者去茯苓加黃芪二錢無汗小水不利者只依本方

#### 四物湯治血虛

川歸二錢

川芎

芍藥各一錢五分

熟地黃二錢

右細切作一服水煎服春倍川芎夏倍芍藥秋倍地黃冬倍當歸

#### 八物湯治氣血兩虛

四君子合四物湯共為一劑如上法加減煎服

六君子湯治氣虛挾痰方見能逆門

局方十全大補湯治氣血俱虛而挾寒者

人參 黃芪 甘草 白茯苓 當歸 白朮 白芍藥 肉桂

熟地黄 芎藭 各等分

右細切每服一兩重加生薑三片大棗一枚水二大盞煎至一盞溫服加減法宜詳前論

大補陰丸降陰火補腎水

黃柏鹽酒拌新瓦上炒褐色

知母去毛酒拌溼炒各四兩

熟地黄須用懷慶者佳酒洗焙乾用

龜板酥炙黃各六兩

右為細末豬脊髓和煉蜜為丸如梧桐子大每服五十丸空心薑鹽湯下

補陰丸一名虎潛丸

黃柏半斤如前製

知母去毛酒製炒

熟地黄各三兩

龜板酥炙四兩

白芍藥煨

陳皮 牛膝各二兩

虎脛骨一兩

瑣陽酥炙

當歸各一兩五錢

右為細末酒煮羯羊肉為丸鹽湯下冬加乾薑五錢

加味虎潛丸



人參

黃芪

芍藥煨

黃柏鹽酒炒

當歸酒洗

山藥各一兩

瑣陽酥炙

枸杞子

虎脰骨酥炙

兔絲子

鹽酒浸三宿細研焙乾入諸藥再研

龜板酥炙

破故紙炒

杜仲薑汁拌炒絲斷

五味子各七錢五分

牛膝去蘆酒洗二兩

熟地黃四兩

右為細末煉蜜和猪脊骨髓為丸如梧桐子大每服五六十丸溫酒或薑鹽湯下

滋陰大補丸

川牛膝去蘆酒浸洗新瓦上焙乾

山藥各一兩五錢

杜仲薑汁拌炒絲斷

巴戟去心

山茱萸去核

肉苁蓉

酒浸洗新瓦上焙乾

五味子

白茯苓去皮

茴香炒

遠智去心甘草同煮各一兩

石菖蒲

枸杞子各五錢

熟地黃二兩

右為細末紅棗肉和煉蜜為丸如梧桐子大每服七十丸淡鹽湯或溫酒空心下與上虎潛丸相間服之佳所謂補陰和陽生血益精潤肌膚強筋骨性味清而不寒溫而不熱非達造化之精微者未足以議於斯也

補腎丸

黃柏

龜板各二兩

杜仲各依前製

牛膝

陳皮各二兩

乾薑五錢冬加

五味子

二錢冬用一兩

右為細末薑汁糊或酒糊為丸服溫酒或白湯空心下

補天丸

紫河車

具即產後胞衣也古方不分男女世傳男用女胎女用男胎者俱以初胎者為勝似為有理若不可得但求肥盛無病婦人者俱可用初取得長流水

洗淨去筋膜以蔑籠盛之外以紙糊使不泄氣焙乾要用時以米醋浸一宿焙乾用

右以前補腎丸藥為末同河車再研極細酒糊為丸或新取紫河車蒸熟同前藥末

搗爛為丸亦可

虛勞者當以骨蒸藥佐之一云氣虛加補氣藥血虛加補血藥

一方用側柏葉烏藥葉俱以酒浸九蒸九曝亦同紫河車為丸名補腎丸

六味地黃丸治腎經虛損久新憔悴盜汗發熱五臟齊損瘦弱虛煩骨蒸痿弱下血咯血

等証

乾山藥

山茱萸 去核各四兩

澤瀉 去毛

牡丹皮

白茯苓 各三兩

熟地黃

八兩

右為細末煉蜜為丸如梧桐子大每服五十丸白湯下

人參固本丸

天門冬 去心

麥門冬 去心

生地黃 各二兩

人參 去蘆一兩

熟地黃 二兩

右各焙乾同磨為末勿犯鉄器煉蜜為丸或只以天門冬熟地黃二味量酒浸搗膏



人參膏

同三味末杵千餘下凡如梧桐子大每服五七十九丸空心薑鹽湯下忌蘿蔔

人參一味不拘多少去蘆細切量水於銀石器內慢火煎如稠餚磁器盛貯每服一

二匙白湯點服

補中益氣湯治飲食失節勞役所傷暴傷元氣惡寒發熱證似傷寒者

方見內傷門

益胃升陽湯血脫益氣古聖人之法也先補胃氣以助生發之氣故曰陽生陰長諸甘藥

為之先務舉世皆以為補殊不知甘能生血從陽而引陰也故先理胃氣蓋人之身穀

為寶也

柴胡 升麻各二分

當歸身 酒洗

炙甘草

陳皮 各五分

人參 久煎不用

炒神曲 各七分

黃芪 蜜炙一錢

白朮 一錢五分

生黃芩 二分

右細切作一服水二盞煎至一盞溫服如腹中痛每服加白芍藥五分中桂二分

如渴或口燥加葛根三分

芪附湯治陽虛氣弱虛汗大出不止肢體倦怠

川附子 炮

黃芪 蜜炙各二錢

右細切作一服加生薑三片大棗二枚水一盞半煎至一盞溫服

參附湯治真陽虛之上氣喘急自汗盜汗短氣頭眩眼花

人參 五錢

川附子 炮去皮臍一兩

右細切分作三服加薑水煎溫服

茯神湯治六脈虛軟咳則心痛喉中介介或腫或痛

茯神

人參 遠志

通草

麥冬 去心

黃芪 蜜炙

桔梗 各六分

甘草

五味子 各三分

右細切作一服加生薑一片水煎服

補氣湯治氣虛脈浮而軟怔忡無時

黃芪 二分一本

人參

甘草 各一錢

麥門冬 去心

桔梗 去蘆各七分

右細切作一服加生薑三片水二盞煎至一盞溫服

千金延壽丹治諸虛百損怯弱欲成癆瘵及大病後虛損不復凡人於中年後常服可以

卻疾延年

五味子

兔絲子 煮爛

川牛膝

杜仲 薑汁拌炒絲斷

川歸 酒浸

山藥

天門冬

麥門冬 去心

生地黃

熟地黃 各一兩

肉蓯蓉 二兩

人參

白茯苓

大茴香

澤瀉

地骨皮

鹿茸

菖蒲 九節者

花椒

巴戟 去心

遠志 去心

覆盆子 炒去

枸杞子

栢子仁 各五錢

右共磨為細末勿犯鐵器蒸搗煉蜜為丸如梧桐子大每服一百丸空心溫酒或薑



鹽湯下 如大便溏小便不利加車前子二兩 如精滑或夢遺加赤石脂山茱萸肉各五錢忌蘿蔔菜

班龍丸治真陰虛損及老人虛人常服延年益壽

鹿角膠

炒成珠子

鹿角霜

兔絲子

酒浸研細

柏子仁

取仁洗淨

熟地黄

各半斤

白茯苓

補骨脂

各四兩

右磨為細末酒煮米糊為丸或以鹿角膠入好酒烱化為丸如梧桐子大每服五十丸空心薑鹽湯下昔蜀中有一老人貨此藥於市自云壽三百八十歲矣每歎曰尾閭不禁滄海竭丸轉金丹都謾說惟有班龍頂上珠能補玉堂關下闕當時有學其道者傳得此方彼老人化為白鶴飛去不知其所終

桂枝加龍骨牡蠣湯治六脈孔動微緊男子失精女人夢交及盜汗自汗等證

桂枝

白芍藥

各三錢

甘草

炙二錢

龍骨

牡蠣

各三錢

右細切加薑棗水煎 愚恐此証不可用薑

祖傳經驗秘方治心虛手振

川歸身

一兩五錢

川芎

一兩

粉甘草

一兩五錢

生地黄

一兩五錢

遠志

去心二兩五錢

酸棗仁

柏子仁

各三兩

人參

一兩

辰砂

五錢另研

金箔

二十片

麝香 一錢

琥珀 三錢

茯神 七錢

膽南星 五錢

半夏 五錢

石菖蒲 六錢

右為極細末蒸餅為丸如菜豆大辰砂為衣每服七八十丸津唾嚥下或薑湯送下本邑在城金儒元國子生也年五十餘身略瘦十年前得內傷挾外感証一醫用發表疎利之劑十數日後熱雖退而虛未復胸中痞滿氣促眩暈召予治以補中益氣湯間與東垣消痞丸陳皮枳朮丸等藥調理而安但病根未盡除而住藥故眩暈或時而舉不甚重來延至此年因往杭城跋涉辛苦又兼色慾之過還家眩暈大作歷數醫皆與防風羌活荆芥南星半夏蒼朮等去風散溼消痰之劑病愈重一日十數次厥去片時復甦凡動或轉側即厥不知人事舉家惶惶叫哭召予治診其六脈皆浮洪而濡予曉之曰此氣血大虛証幸脈不數而身無大熱不死但恐病愈後而有數年不能下榻行動病者曰只要有命臥亦甘心與大補氣血之藥倍人參黃芪或加附子引經合大劑一日三貼又煎人參膏及作紫河車丸補陰丸之類間服如此調理二月餘服煎藥二百餘貼丸藥三五料用人參五六斤其証漸不厥飲食如故但未能行動耳次年聞王布政汝言往京師道經蘭溪以舟載去彼俟候求診王公曰此証陰虛風痰上壅因誤服參芪多故病久不愈立方以天麻菊花荆芥川芎等清上之藥亦未見效住藥後越五



六年方得起而步履如初儒元不思昔日病劇而藉參芪等藥之功遂以王公之語歸咎于子用藥之誤噫彼時若非峻補何以得一儒元見王公耶嗚呼此誠得魚忘筌得兔忘蹄也可勝嘆哉

東陽邑庠鄒掌教先生一証發大汗戰鼓慄振掉片時許發燥熱身如火燒又片時許出大汗如雨身體若冰冷而就發寒戰如前寒後有熱熱後有汗三病繼作而晝夜不息庠生盧明夫與作瘧証治不效召予診其右手陽脈數而浮洪無力陰脈略沈小而亦虛左三部比右差小而亦浮軟予曰此陽虛証也用補中益氣湯倍參芪減升柴一半加尿浸生附子一錢半炒黃柏三分乾薑薄桂各五分大棗一枚同煎服一服而病去三分二服而減半四服寒熱止而身尚有微汗減去桂附乾薑一半服二貼全愈

勞極二十七

論

內經曰陰虛生內熱又曰陰氣者靜則神藏躁則消亡飲食自倍腸胃乃傷又曰有所勞倦形氣衰少穀氣不盛上焦不行下脘不通而胃氣熱熱氣薰胸中故內熱是故欲養陰而延生者心神宜恬靜而毋躁擾飲食宜適中而無過傷風寒暑溼之謹避行立坐臥之有常何勞怯之有哉今也嗜慾無節起居不時七情六慾之火時動乎中飲食勞倦之過

屢傷乎體漸而至于真水枯竭陰火上炎而發蒸蒸之燥熱或寒熱進退似瘧非瘧古方名曰蒸病或二十四種或三十六種名雖不同証亦少異大抵不過咳嗽發熱咯血吐痰白濁白淫遺精盜汗或心神恍惚夢與鬼交婦人則月閉不通日漸羸漸成勞極之候夫病此者始多未免姑息日久直至發熱不休形體瘦甚真元已脫然後求醫治療雖倉扁復生莫能救其萬一良可歎哉雖然一人未足憐也況其侍奉親密之人或同氣連枝之屬薰陶日久受其惡氣多遭傳染名曰傳屍又曰喪屍曰飛屍曰遁屍曰殭屍曰屍注曰鬼注蓋表其傳注酷虐而神妙莫能以測之名也雖然未有不由氣體虛弱勞傷心腎而得之者初起于一人不謹而後傳注數十百人甚而至於滅族滅門者誠有之矣然此病最為可惡其熱毒鬱積之久則生異物惡虫食人臟腑精華變生諸般奇狀誠可驚駭是以勞傷於肝膽者則為毛虫如刺蝟瓦蛆之屬食人筋膜勞傷於心與小腸者則為羽虫如燈蛾蚊蚋禽鳥之形食人血脈勞傷於脾胃者則為倮虫如嬰孩蚯蚓之類食人肌肉勞傷於肺與大腸者則為介虫如龜鱉蝦蟹之狀食人膚膏勞傷於腎與膀胱者則為鱗虫如魚龍鯨鯢之形食人骨髓或挾相火之勢亦如羽虫之酷者鵠梟之類為狀不一不可勝紀凡人覺有此証便宜早治緩則不及事矣治之之法一則殺其虫以絕其根本一則補其虛以復其真元分經用藥各有條理務如庖丁解牛動中肯綮無有不安者也若



待病勢已劇元氣已脫雖依古法取虫滋補患者百無一生但亦可絕後人之傳注耳學者詳之

脈法

脈經曰男子平人脈大為勞極 虛亦為勞

男子勞乏為病其脈浮大手足煩春夏劇秋冬瘕陰寒精自出足痠軟不能行少陰虛滿

人年五六十其病脈大者臂俠背行痛苦腸鳴馬刀扶腰者皆為勞之得

男子平人脈虛弱微細者喜盜汗出也

男子面色薄白主渴及亡血卒喘心悸其脈浮者裏虛也

男子脈虛沈弦無寒熱短氣裏急小便不利面色白時時目瞑此人喜衄小腹滿此為勞使之然

男子脈微弱而澀為無子精氣清冷也

夫失精家小腹強急陰頭寒目眩痛目眩云云髮落脈極虛乳遲為消穀亡血失精

脈得諸乳動微緊男子失精女人夢鬼交通

脈沈小遲者名脫氣其人疾行則喘喝手足逆寒腹滿甚則溇泄食不消化

脈弦而大弦則為減大則為芤減則為寒芤則為虛虛寒相搏此名為革婦人則半產漏下男子則亡血失精

方法丹溪方法凡四條

丹溪曰此陰虛之極痰與血病多有虫者其傳屍一証不可云無大法四物湯加童便竹瀝薑汁

身瘦屬火因火燒爍也肉脫甚者難治

氣血虛甚發熱成癆者補天九加骨蒸藥佐之骨蒸藥知母黃柏地骨皮麥門冬秦皮青蒿鱉甲石膏竹葉烏梅之類傳屍勞寒熱交攻久嗽咯血日益羸瘦先以三拗湯次以蓮心散

二十四味蓮心散

川歸 黃芪 甘草炙 鱉甲醋炙 前胡 獨活 羌活 防風

防己 茯苓 半夏 黃芩 陳皮 阿膠炒成珠 官桂 芍藥

麻黃根節去 杏仁另研 蓮肉此味常用蓮花肉類 南星 川芎 枳殼各五

分 芫花色一撮 柴胡五分

右細切作一服加生薑三片大棗一枚水二盞煎至一盞去粗溫服須待吐有異物芫花漸減少蓋芫花與甘草相反其反甘草所以殺虫炒之所以斷熱去寒妙處在



此

青蒿飲子治勞瘵

青蒿一斗五升

童便三斗

右以文武火熬約童便減去二斗去蒿再熬至一升入猪膽汁七箇或加辰砂栴榔末三五錢再熬數沸甘草末收之每服抄一匙清湯點服極妙

白蠟塵一味大殺瘵虫可入丸散藥中用

秘傳取傳屍勞虫鬼哭飲子

天靈蓋酥炙黃色

鱉甲醋炙黃色

柴胡去蘆各二錢五分

木香一錢二分半

桃仁二十枚

去皮另研

鼓心醋炙酥黃色

青蒿半握

阿魏一錢

安息香一錢

貫衆二錢五分

甘草一錢生用

右十一味細切杵為麤末先以童子小便二升隔夜浸露星月至四更時煎至八分去粗分作三服每服調後散子一貼五更初溫服即穩臥至三點時又進一服至

日出時覺腹中欲利如未利又進一服已利勿服

散子方用栴榔二錢五分

辰砂一錢二分半

赤脚蜈蚣以竹筒盛薑汁浸焙乾一條

麝香一錢另研

烏雞糞二錢五分

先將雞於五日前以火麻子餵之然後取其糞用

右以五味研為細末和勻分為三貼各入前煎藥內服凡合上藥宜於六甲建日或除日合之服前藥必利下惡物併虫以盆盛之急用火燒殺之或油煎殺之其病人所穿衣服及薦褥盡易燒之食葱粥將息以復元氣服藥後或夢人哭泣相別是其驗也如取下虫視其色青赤黃者可愈黑色者難療也雖虫老病不可療亦能絕後人之傳注耳合此藥時不可容孝子婦人雞犬見之及不可令患者知之與聞其氣息虫聞氣變化難取也

治勞瘵取虫經驗天靈蓋散

天靈蓋

二指大用白檀香煎湯洗酥炙黃色

檳榔

五箇為末

阿魏

二錢細研

麝香

三分另細研

辰砂

一錢另研

甘遂

連珠者二錢為末

安息香

三分銅刀切細研

右七味各研極細和勻每服三錢後湯調下

薤白

二七莖

青蒿

二握

甘草

五寸許

葱白

二七莖

桃枝

柳枝

桑枝

酸石榴枝

梅枝

各七寸已上五枝俱取向東南者

右九味用童子小便四升於銀石器內以文武火煎至一升去粗分作三盞調前藥

末服五更初服一盞服後如覺欲吐以白梅肉噙止之五更盡覺臟腑鳴須轉下虫

及惡物黃水若一服未下如人行五七里又進一服至天明又進一服如瀉不止用



龍骨黃連等分爲末熟水調下五錢或吃白粥補之此藥男病女煎女病男煎不可令患者知及不許孝子僧人鷄犬見之

射香散治男子婦人骨蒸發熱五勞七傷等証

天靈蓋

二錢半

柴胡

兩

犀角屑

兩半

甘草

三

東引桃枝

東引柳

枝

東引榴枝

青蒿

各一握

阿魏

一錢另研

礞石

葱白

各七寸

射香

二錢半

右細切杵爲麤末用童便二升半浸藥一宿明日早煎至一升半去粗分作三服每服入檳榔細末三錢溫服五更初進一服約人行五七里再進一服若惡心兀兀欲吐嚼白梅止之三服後瀉出惡物異虫或身如蟬行不可名狀後用葱粥止之忌風一月及忌食油膩濕麪鹹酸餅牛羊鷄猪犬肉魚腥年遠重病不過二服全安脩合此藥時男病女煎女病男煎忌貓犬雞鵝鴨驢馬僧尼孕婦孝子見之凡取虫後須以後大補茯神散補之

取屍虫神仙秘方

青桑枝

柳枝

梅枝

桃枝

石榴枝

各七莖俱長七寸皆取東引者

青蒿

一握

葱白

七莖

阿魏

一錢另研

安息香

一錢去石另研

右除阿魏安息香二味外餘藥用童子小便一升半煮去一半去粗將藥汁阿魏安息香細研再煎十數沸分作二服調

辰砂末

檳榔末

各五分

麝香

少許另研

右三味亦分作二服入前湯五更初進一服三點時又進一服至巳午晚必取下虫其嘴紅者可治青黑者不治但可絕後人之傳注耳取虫後進軟粥溫和將息忌食生冷毒物仍服紫河車丸凡合此藥不可令患者先知氣味亦不得令猫犬孕婦孝子僧尼等不祥人見之

神授散此方得之於河南郡王府濟世既久功不可述也

川椒

二斤擇去開口者與梗略炒出汗

右一味為細末每服二錢空心米湯送下或用酒米糊為丸如梧桐子大每服二三十丸漸加至八九十九丸空心酒下或米湯下凡人得傳尸勞病氣血未甚虛損元氣未盡脫絕者不須多方服食但能早用此藥無有不愈者真濟世之寶也

愚嘗治一婦人用花椒二分苦棟根一分丸服屍虫盡從大便泄出

治勞極禁方無比丸

一名紫河車丸一名調鼎方治傳屍勞瘵二月可愈其餘勞怯之症服一月平安

紫河車

一具初生者佳或無病壯年婦人者亦可一說男病用女女病用男者若不可得亦不必拘束米醋浸一宿焙乾用



草龍胆

甘草二錢

鯨甲五錢

桔梗

胡黃連

大黃酒拌溼蒸

苦參

黃柏一本黃藥子誤

知母去毛

秋石

另研不必用煎煉者但尿桶上凝結多年者亦可又名人中白長流

水洗淨用已上各二錢五分

貝母二錢五分

犀角屑

蓬莪朮

硝石各一錢五分

敗鼓皮心

一本鼓心誤也本草謂鼓心通靈能逐飛屍鬼注故用之米醋炙黃二錢五分

辰砂一兩另研

右共為細末煉蜜為丸如梧桐子大辰砂為衣每服二十丸加至三十丸溫酒送下脇熱食前服熱食後服

秘傳取勞虫禁方

琢木禽一隻

右用硃砂四兩精猪肉四兩將肉切作片子共硃砂杵如菜豆大塊二味拌勻饒禽一晝夜食肉盡為度以鹽泥固濟其禽在內剛火煨一夜來日不見太陽取出不得打破埋入地中二尺許一晝夜取出去鹽泥銀石器內研為細末以無灰酒入麝香少許作一服調下置患者在帳中四下緊閉用鉄鉗等候其虫必從口鼻中出即以鉗鉗入沸油中煎殺之如虫出之後更進局方嘉禾散一服軟粥將息

紫河車丹治飛屍鬼注虛勞羸瘦喘嗽痰氣等証其法取首生男子胞衣以皂角水洗淨次放銅銚子內以米醋漂洗控乾做一小篋籠子盛之圍以紙密糊之不令泄氣以烈

火焙乾加入後藥

人參一兩五錢

白朮一兩

木香

白茯苓各五錢

茯苓

川歸

熟地黃各一兩

乳香四錢另研

沒藥四錢另研

硃砂二錢另研

麝香二分

右為細末和勻酒糊為丸如梧桐子大每服五十丸煎人參湯送下日三服空腹服之煉蜜為丸服亦可

治虛勞柴胡散

柴胡去蘆三錢

人參

茯苓去皮各一錢

桔梗

芍藥酒浸炒

川歸酒浸各二錢

青皮去白

麥門冬各三分去心

甘草一分

右細切作一服杵細水一盞煎七分溫服

治虛勞驚甲散

驚甲大青一箇醋煮

柴胡去蘆

川歸

甘草炙

桔梗

芍藥

人參各一兩

麝香五分

杏仁去皮尖炒另研

胡黃連各二錢

官桂五錢去粗皮

地骨皮

宣黃連各二錢五分

真酥三兩

木香五錢

白沙蜜三兩

右為細末用青蒿一斤童便五升熬青蒿汁約二升濾去粗入酥蜜再熬成膏候冷入藥末搜和為丸如梧桐子大每服十五丸溫酒送下米飲亦可日進三服如秋冬



時更入桃柳心七箇與前柴胡散同意間服之

去三屍九虫貫衆丸

貫衆五分殺 伏尸虫

白霍蘆三分殺 尸虫

乾漆三分殺 白虫炒

厚朴三分殺 神虫

狼芽子四分殺 胃虫

殭蚕四分殺 腸虫

雷丸六分殺 赤虫

雄黃三分殺 尸虫

右件焙乾炒令黃色研為細末煉蜜為丸如梧桐子大新汲水下五丸三服後漸加至十九服之二十日百病皆愈三屍九虫盡滅更無傳注之患耳

治勞嗽輕骨散

烏梅

龍胆草

胡黃連

貝母

知母

鱉甲酥炙

桔梗

秦艽

柴胡

甘草炙

梔子

人參

青蒿酒煮

阿膠炒成珠子

杏仁

去皮尖炒

右件各等分晒乾為末用好京墨一塊以井花水磨調前藥末作餅子如大指頭大透風處陰乾二七日每用一餅以井花水磨化又用沒藥五分磨成一盞更加黃柏末二錢同煎數沸傾入盞內頻頻打轉於五更時輕輕起服服後就睡仰臥甚者不過三服

過三服

治勞嗽蛤蚧散

白茯苓

一兩去皮細切

知母

二兩去毛用酥

杏仁

六兩去皮尖及雙仁奇

桑白皮

二兩以真

貝母

二兩用酥

甘草

五兩紫黃色

蛤蚧

雌雄一對入酥醋內浸透慢火乾再

人參

一兩用酥醋炙三五

乳酥

真者四十兩切作散于大塊入罐內溶成汁入極酸上

右為末每服二錢水一盞煎至七分和粗服忌油膩生冷毒物久患嗽者初服此藥

必開嗽加甚須勤服久則可安須自保養為妙

治勞熱蛤蚧飲子

黃芩

五錢

蛤蚧

一對洗淨酒

麻黃

不去

胡黃連

秦艽

青蒿

人參

柴胡

甘草

生地黃

熟地黃

知母

去毛

貝母

杏仁

去皮尖及雙仁者炒

鱉甲

一兩酒

桔梗

草龍胆

木香

右為細末每服二錢加烏梅薑棗煎服

附蒸病

古今錄驗五蒸湯

人參

知母

黃芩

竹葉

生地黃

乾葛

各一錢

茯苓

甘草

石膏

粳米



右細切先以水三盞煎小麥二合至二盞去麥煎藥至一盞溫服隨証加減于後

實熱加黃芩黃連黃柏大黃

虛熱加烏梅秦元柴胡蛤蚧青蒿牡丹皮鱉甲

肺蒸鼻乾加烏梅天門冬麥門冬紫苑茸

大腸蒸鼻孔加大黃芒硝

皮膚蒸古白加石膏桑白皮

膚蒸昏昧加牡丹皮

氣蒸鼻乾喘促加人參黃芩梔子

心蒸古乾加黃連生地黃

小腸蒸下唇焦加赤茯苓生地黃木通

血蒸髮焦加生地黃當歸桂心童便

脈蒸咽白浪語脈絡加當歸生地黃

脾蒸唇焦加白芍藥木瓜苦參

胃蒸舌下痛加石膏粳米大黃芒硝乾葛

肉蒸食無味而嘔加白芍藥

肝蒸眼黑加川芎當歸前胡

膽蒸眼色白加柴胡括婁

筋蒸甲焦加川歸川芎

三焦蒸乍熱乍寒加石膏竹葉

腎蒸兩耳焦加生地黄石膏知母寒水石

膀胱蒸右耳焦加澤瀉茯苓滑石

腦蒸頭眩熱悶加生地黄防風羌活

髓蒸髓沸骨中熱加生地黄當歸天門冬

骨蒸齒黑腰痛足逆發虫食臟加鱉甲地骨皮牡丹皮當歸生地黄

腎蒸肢細股腫腑臟俱熱加石膏黃柏

胞蒸赤小便黃加澤瀉茯苓生地黄滑石沈香

丹溪活套云勞極之証五臟必歸重於一經假如足脛痠疼腰背拘急遺精白濁面色鰐

黑耳輪焦枯脈沈細數知其邪在腎也宜以四物湯加知母黃柏五味子麥門冬天門

冬澤瀉杜仲肉桂之類煎入童便韭汁竹瀝服其或心神驚惕怔忡無時盜汗自汗心

煩熱悶口舌生瘡咯血面赤脈洪而數知其邪在心也宜以前方去杜仲澤瀉肉桂加



扶神胡黃連蓮心遠志菖蒲硃砂之類 其或咳嗽喘促吐血嗽血皮膚枯燥鼻塞聲沈時吐痰沫脈微虛而濇數知其邪在肺也宜以四物湯加沙參麥門冬五味子知母貝母桔梗桑白皮地骨皮款冬花紫苑馬兜鈴百合百部之類煎入童便竹瀝姜韭汁服其或脇痛目赤面青頰赤多怒虛陽不斂夢與鬼交甚則卵縮筋急脉弦而數知其邪在肝也宜以四物湯加竹茹草龍膽柴胡黃芩青皮竹葉之類 其或面色萎黃唇焦燥飲食無味腹痛腸鳴瀉利四肢倦怠脉虛濡而數知其邪在脾也宜以四君子湯加酒炒白芍藥蓮肉薏苡乾山藥猪苓澤瀉白扁荳之類 凡骨蒸勞熱元氣未脫者灸崔氏四花穴無有不安者也

### 灸崔氏四花穴法

先二穴令患人平身正立取一細繩

蠟之勿令展縮

於男左女右脚底貼肉堅踏之其繩前頭與

大母指端齊後頭循當脚根中心向後引繩從脚臑肚貼肉直上至曲膑中大橫紋

截斷

橫紋即委中穴

又令患人解髮分兩邊令見頭縫自顙門平分至腦後却平身正坐取

向所截繩一頭令與鼻端齊引繩向上正循頭縫至腦後貼肉垂下循脊骨引繩向

下至繩盡處當脊骨中以墨點記之

墨點不

是灸處又取一繩子令患人合口將繩子按於

口上兩頭至吻却鈎起繩子中心至鼻柱根下如△此便齊兩吻截斷將此繩展令

直於前量脊骨上墨點處橫量取平勿令高下其量口繩子先中間當中以墨記之却展開繩子橫量却以中指墨點記

處按於脊骨中先點處兩頭是穴也兩頭以白圈記之

以上是第一次點二穴

次二穴令患人平身正坐稍縮臂膊取一繩繞項向前雙垂頭與鳩尾齊胸前歧骨處也雙頭

齊截斷却翻雙繩頭向後以繩子中心按於喉嚨結喉骨上其繩兩頭雙垂循脊骨

以墨點記之墨點不又取一繩子令患人合口橫量齊兩吻截斷還於脊骨上墨點

橫量如法繩子兩頭以白圈記之白圈是灸處

以上是第二次點二穴通前共四穴同時灸各三七壯累灸至一百餘壯候灸瘡

將瘡又依後法灸二穴

又次二穴以第二次量口吻繩子於第二次雙繩頭盡處墨點上當脊骨直上下豎點其

繩子中心放在墨點上於上下繩頭盡處以白圈記之白圈是灸處也

以上是第三次點二穴也通前共六穴也擇取離日及火日灸之一應虛勞發熱

延羸等証灸之立愈其濟世之妙法也




四花六穴人形圖式



白圈是穴黑點不是穴

醫學正傳卷之三終





Y94y  
1924  
V.3